

# LITERATURA MONDO



Fr. Podešva

Dicembre 1932

Aperas monate

12-a numero



## Ĉefredaktoroj: Julio Baghy kaj Kolomano Kalocsay

Responda redaktoro: Karlo Bođó

Redaktoroj: Francisko Szilágyi kaj Ludoviko Totsche

**ĈEFKUNLABORANTOJ:** J. D. Applebaum (Liverpool), A. Behrendt (Berlin), P. Bennemann (Leipzig), J. Berger (Köln), S. Bartha (Budapest), Helmi kaj Hilda Dresen (Tallinn), Stellan Engholm (Nyberget), Jean Forge (Bydgoszcz), S. Grenkamp Kornfeld (Paris), Ladislao Halka (Budapest), R. Hromada (Praha), Teo Jung (Köln), I. Yurista (Czesztowowa), F. Karinthy (Budapest), E. Knutsson (Malmö), I. Lejzerowicz (Łódź), W. Lippmann (Leipzig), Miloš Lukáš (Trnava), A. Mazzolini (Fano), T. Morariu (Cluj), L. N. Newell (Paris), P. Nylén (Stockholm), Jan van Schoor (Antwerpen), K. R. C. Sturmer (London), R. Schwartz (Paris), L. E. Thomson (Pymble, Aŭstralio), G. Waringhien (Lille), Leono Zamenhof, Feliks Zamenhof kaj Lidja Zamenhof, E. Wiesenfeld (en Warszawa) kaj aliaj.

**Averto:** Manuskriptojn la redakcio ne redonas. La rajton fari en ĉi ensendita manuskripto stilajn korektojn la redakcio rezervas por si, se la verkinto aŭ tradukinto antaŭe ne protestas. Por la publikitaj artikoloj, faritaj por la rubriko *Observo*, L. M. pagas sen klišo 10— pengojn, kun la prunta alsendo de necesaj klišoj 15— pengojn. La kostojn de la klišosendo kovras L. M.

La redakcio akceptas nur unuflanke maŝinskribitajn artikolojn, kun sufiĉe larĝaj marginoj kaj liniaj interspacoj. Escepte tamen estas akceptataj manuskriptoj kun *desejnitaj* tre klare skribitaj literoj.

## NIAJ REPRESENTANTOJ:

- Aŭstrio:** Rudolf Foltanek,  
Wien, I. Herrngasse 2—4. Poŝtkonto nro 19.704
- Aŭstralio:** L. E. Thomson, Pymble N. S. W.  
Tallangatta, Church str.
- Belgujo:** Belga Esperanto Instituto Antwerpen.  
Kleine Hondstraat 11. Poŝtkonto nro 1689.58.  
Flandra Esperanto-Instituto. Kortrijk.  
Marckesteeweg 18, poŝtkonto nro 3268.54
- Britujo:** Alec Venture,  
Mitcham, (Surrey) 42 Hawkes Road.
- Bulgarujo:** Centra Librejo »Esperanto«  
Sofia str. Maria Lujza 28
- Cehoslovakio:** Otto Skleněka, Hradec-Kralové.
- Danujo:** Isosek, sro L. Friis Aabyhøj, Frodesvej 2
- Estonio:** Helmi Dresen, Tallinn, Poŝtkont 6.
- Francujo:** Centra Esperanto Librejo  
Paris 6e, 11 rue de Valenciennes
- Germanujo:** Poŝtĉekkonto de Vilmos, Bajer,  
Berlin 138084
- Hispanujo:** Ferdinand Montserrat,  
Barcelona, str. Provençals 55, 2—3a
- Italujo:** Itala Esperanto Centro Milano, Galleria  
Vittorio Emanuele II. 92.
- Jugoslavujo:** Sudslava Esperanto Servo  
Zagreb, Primorska 11.
- La Suda Stelo Sudaŭstri** Brod Poŝtfako 74.
- Latvio:** Poŝtowa Kasa Oświecenia Warszawa P. K. O.  
Riga Nr. 4.039. Adresu: Na konto Admin-  
istracja Literatura Mondo Krakow Nr 403 148.
- Nederlando:** Leo Moreau,  
Arnhem, Raaponsche 55. poŝtkonto nro 13848.
- Norvegujo:** Henrik Seppik, Slanger.
- Polujo:** Halina Weinstein, Warszawa, str. Leszno 99  
Izrael Lejzerowicz, Łódź, Skwerowa 20.  
Poŝtkonto nro W. P. K. O. 68273.
- Rumanujo:** Es. Instituto Rumana, Cluj, str. Bravilor 15
- Svedujo:** Förlagsföreningen Esperanto,  
Stockholm, 1. Fack 698 Poŝtgirokonto nro 578
- Svisujo:** Nova Esperanto Grupo, sro Hans Pfiffner,  
ST. Gallen C. Gallusstrasse 34.
- Japanujo:** Japana Esperanto Instituto Tokio, Ŭsig-  
omekan, Ŭn Ogaŭmaci III.
- Usono:** Amerika Esperanto-Instituto.  
Madison, (Wis.) Sherlok Hotel

## Eldonaĵoj de „Literatura Mondo“

Verkoj de JULIO BAGHY:

Dancu Marionetoj, noveloj	tolb. 1.05, duont. 0.80, broŝ 0.70
Migranta Plumo, noveloj	" 0.90, " 0.55
Viktimoj, romano	" 1.50, " 1.10, " 1—
Hura! romano	" 2.—, " 1.65, " 1.50
Preter la vivo, poemaro	" 0.60, " 0.40
Pilgrimo, poemaro	" 0.60, " 0.35

Verkoj de KOLOMANO KALOCSAY:

Lingvo Stilo Formo	" 0.95, " 0.60
Streĉita Kordo	" 1.15, " 0.80
Rimportretoj	" 0.90, " 0.60
Eterna Bukedo. Internacia poemantologio el 22 lingvoj. Tradukoj el la plej famaj poetoj. 352 paĝa, duonlede bindita	" 2.20
Madách: Tragedio de l' Homo	luka bind. 1.50, luka 1.10, broŝ 0.80
Petőfi: Johano la Brava	" 0.60, " 0.30
Goethe: Romaj elegioj; La Taglibro silkebind	1.— bind. 0.60, broŝ 0.40
Lingvo Stilo Formo, malkara eldono bind 0.50, broŝ 0.30	

Allaj eldonaĵoj:

Jean Forge: Mister Tot aĉetas mil okulojn, romano	bind. 1.20, " 0.80
Francisko Szilágyi: Poemaro el Hungarlando	bind 0.50, " 0.30
T. Schwartz: Modernaj Robinzonoj	" 0.30
Kenelm Robinson: Homarisma Laboro	" 0.12
Gramofondisko Sárosv—Baghy atrankita	1.70
Szilágyi: La Simpla Esperanto	0.2
La Pentroarto en la malnova Hungarujo 96 ilust. duonlede bind.	" 2
Totsche: De Paĝo al Paĝo bindita 0.80, broŝ 0.50	
Szilágyi: Trans la Fabeloceano bindita 1.—, broŝ 0.60	
St. Engholm: Homoj sur la Tero bind 1.—, broŝ 0.70	
K. Kalocsay—G. Waringhien: Kiel fariĝi poeto aŭ Parnasa Gvidlibro	bind. 1.—, broŝ 0.70

Prezoj en usonaj dolaroj!

Aldonu 10%, por sendkostoj.

# LA PLEJ JUNAJ ĈEĤOSLOVAKAJ POĤTOJ

— H. B. KVĚTOŇ —

La plej nova ĉeĥoslovaka lirikista generacio — poetoj naskiĝintaj en la kuranta jarcento kaj komencintaj verki post la monda milito — tute ŝanĝis la karakteron de ĉeĥoslovaka poezio. La milita tempo de malsato, malsano kaj morto, la postmilita tempo de grandegaj teknikaj progresoj kaj social-ekonomiaj reformoj kaj revolucioj inspiris ne sole novajn opiniojn kaj sentojn, sed ankaŭ novajn esprimojn kaj esprimilojn, ne sole aliajn rigardojn, sed ankaŭ aliajn ilojn de la liriko. Kompreneble la studo de antaŭmilitaj hejmaj kaj modernaj fremdaj — precipe francaj — poetoj (Rimbaud, Apollinaire, Cocteau k. a.) ne restis sen influo je tiu ĉi grupo de junaj verkistoj, kiuj per sia propra formo bildigis idealon kaj haŭson de la postmilita tempo.

Ilia poezio respondas tiom fidele al sia tempo, ke kun la situacio en la mondo ŝanĝiĝis ankaŭ la vojoj de la senteme kaj rapide reagantaj poetoj. En la unuaj postmilitaj jaroj de terura laciĝo la verkoj de Wolker montras kristanan humilecon, laŭdon pri simplaj ĝojoj de la vivo, plezuron kaj dankon pro la libereco, pro la sola vivo. Sed tre baldaŭ en la jaroj de socialistaj reformoj kaj kolektivistaj provoj, la verkoj de Wolker, Seifert kaj Biebl reprezentas revolucionan proletan poezion, kiu neas ĉian individualismon kaj fariĝas ilo de klasa batalo por la kolektivismo. Tiun ĉi vojon la junaj lirikistoj forlasis, kiam venis dumtempa, relativa reordigo de sociaj rilatoj. Tiame Seifert, Biebl kaj Nezval ekiris — ŝajne ne logike — tute kontraŭan vojon: tiun de sentendenca kaj

senideologia, idilia kaj ludema poetismo, vojon de fuĝo el la mondo de problemoj al la pura arto de vorto. Fine venis reveno al la socia poezio, kompreneble kun ŝanĝita esprimaro, poezio, kiu nun regas la ĉeĥoslovakon lirikon, kies motivo ne estas ekstera »mi«, sed socia »ni«. Komuna bazo de ĉiuj ĉi tendencoj estas internacia — standardo de nacionalismo portas lirikuloj el la antaŭmilita epoko (Dyk, Medek); fakto rimarkinda de nacio reakirinta sian liberecon kaj renoviginta sian ŝtaton.

La spaco de la tie ĉi rezervita loko ne permesas priparoli la fruktojn de la nova ĉeĥoslovaka poezio, ĉu de la poetoj jam nomitaj, ĉu ne nomitaj (Piša, Kalista, Halas, Zahradníček, Závada k. a.) Tamen decas aludi almenaŭ la plej rimarkindajn:

Reprezentanto de la ĉeĥoslovaka proleta poezio kaj la plej talenta kaj populara ano de tiu ĉi postmilita generacio estas Jiří Wolker (1900—24), kies verkaro estas senĉese reeldonata kaj kiu trovis multajn epigonojn. Lia unua libro de poemoj »Gasto en la domon« (1921) apartenas al tiuj kristane humilaj verkoj, sed jam la dua libro de lirikaĵoj kaj baladoj »Peza horo« (1922) estas bela verko de la socia patoso. Lia plej ŝatata poemo estas »Balado pri okuloj de hejtisto«, kies laboro en elektrozono donas al la homoj lumon, sed al li mem forprenas la vidon.

Sur la unua loko, kiel reprezentanto de ĉeĥoslovaka poetismo, nun staras la plej produktema el tiu grupo Vítězslav Nezval (1900), kies lirikaĵoj cikloj »Ponto«



Otto Gutfreund: Monumento al Avinjo (ĉefa figuro de plej populara romano de Božena Němcová)

# LA SALIKO

— Karel Jaromír Erben —

El la ĉeĥa: Miloš Lukáš.

Li al matenmango venas.  
La edzinon ĉirkaŭprenas:

»Edzinet', vi estas bona,  
Tre sincera kaj sindona —

Nur koncerne ĉi aferon  
Vi ne volas diri veron.

Jam la dua jaro pasas,  
Dum min tio embarasas.

Aŭdu: strange estas por mi,  
Kiel vi kutimas dormi.

Vi — dumtage vigla, forta —  
Nokte kuŝas kvazaŭ morta,

Sen ekspiro, sen ekmovo,  
Sen signet' de vivipovo ...

Via korpo, krom ĉi tio,  
Pli malvarmas ol glacio.

Por vin vekti, estas vana  
Eĉ la laŭta plor' infana!

Edzineto — ĉu ne vere? —  
Vi malsanas tre dangere?!

Kontraŭ tio scias oni  
Sagan ja konsilon doni.

Herbojn vi sur kampo trovos,  
Kiuj vin sanigi povos.

Se en herboj mankas forto,  
Nepre helpos sorĉa vorto.

Sorĉa vorto nubojn sendas,  
Sipojn dum venteg' defendas,

Gi eĉ fajron estingigas,  
Rokon rompas, drakon ligas!

Stelojn movas vort' magia —  
Fidu do al povo ĝia!

»Mia edzo kaj sinjoro,  
Vana estus la esploro!

Kontraŭ Sorto — sen utili  
Restas ĉia kuracilo.

Kion Parco ja arangas,  
Tion homa vort' ne ŝangas.

Se mi kuŝas sen konscio,  
Tamen min protektas Dio.

Ĉiam min — mi kredas firme —  
Dia mano gardas ŝirme:

Post la mortsimila sveno  
Mi viviĝas en mateno.

Nun mi sana estas, vidu —  
Tial nur al Dio fidu!«

Sinjinorino, vi eraris:  
La sinjor' alion faris ...

Sorĉistin' ĉe fajro sidas,  
Verŝe akvon ŝi dividas.

Unu, du ... deklara plado —  
Jam finita la verŝado.

»Multon konas vi, patrino,  
Pri la homa vivdestino,

Pri mal'anoj, pri malĝojoj.  
Pri la Mort' kaj ties vojoj.

Diru vi, la multescia,  
Veron pri edzino mia!

Ŝi — dumtage vigla, forta —  
Nokte kuŝas kvazaŭ morta, —

Sen ekspiro, sen ekmovo,  
Sen signet' de vivipovo.

Ŝia korpo, krom ĉi tio,  
Pli malvarmas ol glacio.«

»Tion mi komprenas bone,  
Ĉar ŝi vivas nur duone:

La anim' — vi miras pri ĝi? —  
Nokte devas enarbigi.

Ce l' rivero arbarflanka,  
Jen salik' kun ŝelo blanka —

Kaj al ĝi kun ŝi, la juna,  
Estas la anim' komuna!« —

»Ne! Edzinon mi ne ŝatas,  
Se kun arbo ŝi rilatas;

Nur kun mi ŝi vivon ĝuos,  
La salikon mi detruos!« —

Iris li al la saliko,  
Ĝin deĥakis ĉe l' radiko;

Kaj la arbo river-meze  
En la akvon falis peze,

Sed muĝeto ĝia fina  
Sonis kvazaŭ ĝem' pat'ina —

Kiel se patrin' mortanta  
Idon estus forlasanta ... —

»Hom-amas' ĉe domo mia!?  
Sonorado!? — Kaŭzo kia?«

»Mortis, kvazaŭ defalĉite.  
Via edzinet' subite!

Falis ŝi — ve, mir-afero! —  
Kiel arba trunk al tero.

Nur ekĝemis ŝi mortante,  
De l' infano disĝigante.« —

»Ve al mi, la senkonsola  
Mortiginto kontraŭvola!

La edzinon mi mortigis,  
La infanon mi orfigis!

Ho, saliko blankaŝela,  
Puno trafis min kruela!

Kion fari nun? Por ĉiam  
Viduonon perdis mi jam.« —

»El la akvo min eltiru,  
Flavajn vergojn vi deŝiru;

Mian lignon lertaj uloj  
Sege tranĉu je tabuloj,

Kaj pretigu vi lulilon,  
En ĝin metu nian filon:

Kiam ajn en ĝi li kuŝos,  
Panjo lin karese tuŝos ...

Vergojn ŝirmu de dangero:  
Plantu ilin ĉe l' rivero.

Vi instruos nian filon  
Fari el la ŝel' fajfilon,

Kaj ludante — povos do li  
Kun la patrinet' paroli ... «

Divenado de homa sorto laŭ akvo estas antikva slava kutimo. — La en ĉi-supra balado prilaborita mito devenas el la ĉirkaŭaĝo de Bydžov (pron.: *bigof*) en Bohemio. La poeto K. J. Erben (1811—1870), fervora kolektanto de popola poezio kaj specialisto pri la slava

mitologio, mem atentigas pri la malordinareco de ĝia sujeto: vivokomuneco inter homo kaj arbo. — Lasttempe la saman poemon tradukis Marie Under en la lingvon estonan (»Looming«, decembro 1931, pĝ. 1098 ss.).

Rim. de la trad.

(1922), »Pantomima«, »Mirinda sorĉisto«, »Malgranda rozuja ĝardeno«, »Diabolo«, »Epitafoj«, »Poemoj sur poŝtkartoj« (1926), »Gemeloj«, »Akrobato«, »Hebrea tombejo«, »Matenmango en herbo«, »Poemoj de nokto«, »Johano en funebro«, »Vitra haveloko« (1932) montras neordinaran talenton por ĉiuj formoj de la moderna poezio. Lia plej valora poemo estas »Edison«.

Tipa verkisto de ĉeĥoslovaka poetismo kaj samtempe de proleta poezio estas Jaroslav Seifert (1901), majstra ĵonglisto de vortoj en la kolektoj: »Urbo en larmoj« (1920), »Ĉia amo« (1923), »Sur ondoj de senfadena telegrafio« (1925), »Najtingalo kantas malbone« (1926), »Poŝta kolombo« (1929).

Originala poetisto estas František Halas (1901), kies lirikaj libroj »Sepio« (1927), »Koko forpelas la mor-

ton« (1930), »Belega malfeliĉo« (1931) kaj »Vizaĝo« (1932) penas solvi problemon de neelpareleblo.

Poetismon plenan de malĝojoj, soleco, nokto, dormo kaj morto reprezentas verkoj de Jan Zahradníček (1905), »Tento de la morto« (1930) kaj »Reveno« (1931).

Virtuozan formon lertecon montras kelkaj verkoj de Konstantin Biebl »Vojo al homoj« (1923), »Fidela voĉo«, »Rompo«, »Stelisto el Bagdad« (1925), »Per oraj katenoj« (1926), »Kun ŝipo, portanta teon kaj kafon«, »Nova Ikaros« (1929), »Ĉielo, infero, paradizo«.

Kun tiuj kaj multaj aliaj verkoj la ĉeĥoslovaka literaturo aliĝas al la plej moderna literaturo tutmonda ne kiel sekvanto, sed kiel kunlaboranto.



# Venko de Lumo

— Zdeněk Rón —

La venko de la armeo de Lumo super la vilaĝo Počátky ne estis akceptita de ties loĝantoj spontane, kio cetere estis supozebla pri komunumo, en kiu kelkaj jam malfermis la fenestrojn en la mondon, sed la aliaj ankoraŭ ne. Eĉ male: tiu maljuna kirilisto el la kabano ĉe la ŝoseo al Vysokov, eĉ nun grumbłas kontraŭ petrolo kaj laŭdas seban kandelon, oleon lumilon kaj kenon.

Ili ekmarŝis, la bravuloj, en vicoj severe regulaj, trans monten kaj valon, dela elektrejo en Poříč — kaj en la ĉirkaŭaĵo de unutaga marŝo rapide malmultigis tiuj urboj, vilaĝoj, solejoj, kiujn ili ankoraŭ ne invadis. Kaj tiel, la kvietan linion de la horizonto de Počátky-valo, nur tie ĉi kaj tie modere ondantan per beŭlo aŭ arbusto, rompis vico de nigraj mastoj de elektra konduko. Ĝi alkuris de okcidento, diskuris sur la montetoj, flankiris en la kampojn, kaj ĝuste antaŭ la dometo de Ryžek ĝi atingis la ŝoseon al Vysokov por disiri tra la tuta vilaĝo, ne esceptante la plej kaŝitajn angulojn.

La tagon, en kiu la dupieda masto lokigis antaŭ la fenestroj de la dometo de Ryžek, nova gasto, obstina, trudema, ekloĝis en la kirilista polva mondo. La malamo.

Ĝis nun, Ryžek elpeladis el sia senedzina solejo

ĉiun novaĵon per amara ignorado, ĝi estu freŝa ideo movado aŭ objekto eĉ plej eta, kiun la aliaj akceptis kiel helpanton kaj amikon.

Jen — la balotado. Se iu balotilo estis nevalida, certe estis tiu de Ryžek, ĉar lia konvinko estis, ke estas tute egale, ĉu en la komunumo aŭ en la ŝtato regos la ruĝaj, verdaj, nigraj, nigra-flavaj aŭ ruĝa-blankaj. Ryžek donos siajn kelkajn kronojn da impostoj eĉ al la diablo, se nur li havos trankvilon en sia kaŝejo, kie li kaj la maljuna virkato kaj hordo da araneoj malamamis freŝan aeron.

Generacioj plendadis pro la malfavora sorto de la vilaĝo, kaŝita malproksime de la mondo, en la montaro. Mankis taŭga vojo — kaj dum la Vysokov-anoj kaj aliaj esprimadis sian kontenton pri la vivado ĉe la ŝoseoj kaj ĉe la fervojo, la Počátky-anoj vegetis kaj vegetadis. Ili ricevis almenaŭ belan, elegantan ŝoseeton, ĉar en tiu montetaro ne estis sufiĉe da ŝpireblo kaj nutro por fervojo. En viglaj serpentumoj ĝi eksaltis de Vysokov sur deklivo, kaj per unu el la graciaj serpentumoj ĝi rondpasis la dometon de Ryžek tiel perfekte, ke, elirante tra la antaŭa aŭ malantaŭa antaŭĉambro, vi senpere kuŝus en ĝia blanka, junfreŝa ĉirkaŭpreno.

Estis stranga kuntuŝo de cirkonstancoj, ke oni



Max Svabinský

Caso de tigroj.

tiel zorge havigis oportunan elirejon en la mondon ĝuste al tiu, kiu plej malŝate el la tuta vilaĝo turnis al ĝi la dorson.

Sur la ŝoseo la veturiloj veturas, senbrue, senpene kaj oporune. Cevalparo ludfacile veturigas tridek kvintalojn, dufoje dum la tago vi atingas la fervojon. Al Vysokov vi povas iri en lakŝuoj dum tempo, kiam en la koto de la malnovaj vojoj dronas eĉ kvinkilogramaj tibialtaj botoj. Sed Ryzek transportas siajn knediletojn al la magazeno de Werndt en Liberec per ŝovĉareto, same kiel antaŭe. Kaj la malnova, malĝiata vojo sekvu ja dum tuta horo la glatan ŝoseon, krucu ĝin dekofoje dum la tago, lia ĝi estis, lia! Por moko de homoj kaj por konsolo al malprogreseculo el la antaŭa jarcento.

Kiel alia estis ĉio, antaŭ ol la rabistoj el la Mal-supra Lando invadis ĉi tien, en la senventan silenton. Dum la tuta tago eĉ ne unu vivanto estis pasanta preter la fenestroj de la aranea reĝo. Kaj subite tiom da homaĉoj, fiornamitaj, elspezemaj kaj mallabor-emaj.

Se iu ekskursas tra Počátky supren, en la montaron, li pekus, se li ne haltus ĉi tie, ĉe la dometo de Ryzek. Satantoj de malproksimaj perspektivoj longege, nesatigeble rendevuis ĉi tie. Kaj serĉantoj de bonanima popolo, se ili haltis, en la fenestron ekrigardis, eniris kaj alparolis, por plimultigi la amasigitan riĉaĵon, foriradis sin konsolante, ke escepto konfirmas reguon. Al la ŝoseo kaj al ĉio, kio amikiĝis al ĝi, Ryzek pagis per dorso kaj per vortoj, kiuj, se ili ne estis malamaj, certe ne disdonis afablaĵojn.

Kaj li estus pasive amikiĝinta eĉ kun tiu ĉi novaĵo, jam pro tio, ke ne ekzistis eblaĵo, nek forto por batali kontraŭ ĝi alie ol per persista ignorado. Kion vi kapablas fari kontraŭ tia ŝoseo, dinamite traborita en roko, kun grandegaj ŝtonaj remparoj, firme kuŝanta sur la deklivo!

Estas amikoj, kiuj estas amikoj sole pro tio, ke ni ilin timas, aŭ ke ili ne timas nin.

Cetere — la nova ŝoseeto neniel venĝis al Ryzek pro lia ignorado. Ryzek daŭrigis fabriki siajn knediletojn kaj ne estis grava por li duontago, ŝparebla, se la ŝovĉareto ŝargita unufoje dum la monato por Werndt en Liberec, anstataŭ skuigi sur mizeregaj vojoj, estus gaje bruetanta sur la ŝoseo.

Sed venis fremdulo, kiu ne toleris la abstinencecon de Ryzek.

— Aŭ vi plene amikiĝos kun ni — tiam mi servos vin. Aŭ vi ekbatalos — kiu venkos?

Kompreneble Ryzek akceptis la batalon, senpripensan kaj malsamŝancan.

Li malĝajnis jam en la unua rondo. Masto de elektra konduko lokigis ĝuste antaŭ liaj fenestroj. Kaj la komisiono nur ridis, kiam li prezentis siajn bagatelajn kontraŭdirojn, ekzemple, ke la masto ombras al li.

— Eljetu el la fenestroj ĉiun senbezonaĵon, liberigu ilin de la centjara polvo kaj malpuraĵo, turnu vin al la lumo vizaĝe anstataŭ dorse — kaj tuj estos ĉe vi lume.

Kaj por kompensi al li la iometon da forprenita taglumo, ili muntis sur la maston lampeton, kun ŝirmilo ĝuste kontraŭ la fenestroj. Kaj la forta lumo penetradis dum tutaj noktoj eĉ en la plej kaŝitajn angulojn de la ĉambro de Ryzek. Kaj se li volis konsoli sin, li devis ŝtopi la fenestrojn, kovri ilin per malnovaj surtutoj kaj plendi al sia seba kandelino.

Sed tio estis sole komenco de la malvenko de

## Eklogo

— Štefan Krčméry —

*Nulvetero. Tulsemajna pluvo.  
Varma pluvo — jen bonaĵo dia  
Por la bonaj mastroj, pandonantoj --  
-- -- -- -- --  
Sed por ni hodiaŭ — suno ĉarma.*

*Suno, sun'! Pentristo admirinda,  
Kuracist' mirakla, Di-okulo,  
Di-ridet' por bonaj kaj malbonaj!*

*Jus la mondo — cindre griza tuko.*

*Jen la sun'! — pentristo admirinda --  
Per peniko viŝas la grizaĵon  
Kaj la mondon ŝanĝas je belulo:  
Nudaj montoj jam smeralde brilas,  
La arbarojn kovras vest' velura —  
Sur herbejo nia mil floretoj!*

*Jus la mondo — infanet' plorema.*

*Jen la suno! — la patrin' afabla --  
Super ĝi sin amoplene klinas,  
Kaj ridet', apenaŭ vid' ĝi nte,  
Jam plenigas tute la luilon:  
En okuloj, krom la resto rosa,  
Klara bril' — ĝojtremas la manetoj.*

*Jus la mondo — kapo doloranta.*

*Jen la sun'! — mirakla kuracisto --  
Frap-esploras pacienton sian,  
Kies membro ĉiu tuj sanegas:  
Jam sin levas la premita herbo,  
En aero ludas la abeloj,  
Turdo en arbaro flutas gaje.*

*Suno, sun' vi granda kaj mirakla!  
Kiel la paŝtist' elmetis tie  
La laktujojn, tiel mi — pardonu! --  
Metas al sunlum' animon mian.  
Same ja ĝi estas uj' valora,  
Same estas ĝi mucida iom,  
Kelkaloke eĉ aperas ŝimo:  
Kiu ĝin ja (kiel nebulrestojn  
En akseloj de l' montar') elsuĉos,  
Por ke la anim' argente sonu,  
Se ne vi, vi, plej mirakla suno,  
Di-ridet' por bonaj kaj malbonaj?*

El la slovaka: Miloš Lukáš.

Ryzek.

Okazis, kio neniam estis okazinta al Ryzek, kaj kio lin furiozigis ĝis frenezeco. Same kiel li veturigis la komercaĵon al Liberec, tiel same li ĝin retransportis hejmen, kaj plena de furiozo, li jetis la unumonatan laboraĵon en la fornaron.

— Sinjoro Ryzek, malaltigu — kaj multe malaltigu la prezojn. Tornisto Havel, tiu unupieda, sciuj, liveras por duona prezo.

Tornisto Havel estis jam el la nova generacio kaj la amikecon de la stranga fremdaĵo, li aĉetis al si por kelkaj centkronoj. La amikecon, kiu rentumiĝis.

Jen — invalido, al kiu la milito forglutis piedon, nekapabla ĉe tornilo piedmova, tornis tiel, ke li povis



oferti la komercaĵon por duono de la prezo de Ryzek kaj jam tiu prezo estis ege malalta. Kaj kian komercaĵon! Glatan, belaspektan — ĉu gravas unu plia sekundo? Vi ekfunkciigas la motoreton kaj la tornilo sin turnas kiel diablo.

Ankoraŭ estis tempo. Konkurencantaj firmoj ofertadis motoretojn — unu malplikosta ol alia. Sed tia estis Ryzek. Ne, ne, tute ne! Sed li jam apenaŭ spiris, tiel kaptis ĉe la gorgo lin, malsatan kaj senfortan, tiu, kies amiko li ne volis esti. Ne plu estis eble ignori, turni la dorson, sin izoli.

Aŭ por, aŭ kontraŭ. Aŭ fali sur la genuojn, peti, sin submeti. Tio ne estis tiom malfacila. Sed li eljetis la agenton de elektroteknika firmo, proponanta al li motoreton je partopagoj pli ol mizerikordaj.

Aŭ ĉerpi el la lastaj fortoj, eksvingi kaj la frapo falu kien ajn. Eble mi trafos la tempiojn, eble okazos miraklo.

Li ekprenis segilon kaj hakilon kaj, kaŝata de la nokto, li batis la unuan el la armeo de la Lumo. Kiam li subsegis la trian, li ekhenis pro ĝojo. Jen — la meza kuŝiĝis plene, kaj la du ceteraj senpove balancigis en la miksaĵo de dratoj kiel pendigitaj en ŝnurmaŝoj.

Li rapidis kun hakilo kontraŭ iliaj ridindaj kapetoj, ornamitaj per porcelanaj butonoj, similaj al tintilaj ĉapoj de mokemaj arlekenoj.


Mi montros al vi motoreton vi, lamul...

»Lamulo« Havel kaj ĉiuj loĝantoj de Počátky eksciis matene dimanĉe, kial iliaj lampetoj estingiĝis nokte kaj kial sur ĉiu masto troviĝas averta tabuleto:

!! Tuŝi la kondukon vivodanĝere !!

La karbigintaj restaĵoj de Ryzek diris tion al ili tro okulfrape.

El la ĉefo Rud. Hromada.



Jan Stursa :

La vundito

# FILO

— J. Š. Baar —

Eĉ la maljuna vidvino de la vojriparisto eliris hodiaŭ el sia kabano kaj sidigis sur la deklivo, apud la areton de flavaj anseridoj, kiujn paŝtis ŝia plej juna nepino Marjanka. La arbaro bonodoris, la herbejoj floris kaj ĉefe la agrabla maja sunbrilo varme radiis, kaj ĉio ĉi ellogis ŝin eksteren el la ĉambro en la korton, el la korto en la kampojn, ĝis ŝi alvenis al la deklivo, surkreskita de herbaro kaj surplantita per junaj ĉerizarboj. Rivereto malsupre de la deklivo murmuris, la junaj arboj silente, flustre estis konfidantaj unu al la alia ian sekreton, birdoj kantis: sed ĉion ĉi la maljunulino ne aŭdis, ĉar ŝi surdigis en sia maljun-ago kaj per tio kvazaŭ orfigis. La vivo glitis preter ŝi silente kaj nenion ŝi eksciis pri ĝiaj ĝoj- kaj malĝoj-ajoj. Ankaŭ ŝiaj familianoj ne emis krii al ŝi kaj tiamaniere rakonti al ŝi novaĵojn kaj okazaĵojn del' tago, kaj tial ŝi malproksimiĝis de la mondo, kutimiĝis al soleco kaj ĝojigis sin ĉefe nur per rememoroj.

Jen, ankaŭ nun, apenaŭ ŝi eksidis kaj la suno ekkisis ŝian kadukan, en tuko firme volvitajn kapon, jam ĉio en ŝi svarmas kaj sin movas... Per la malfortigintaj okuloj ŝi ekrigardas la ĉielon kaj kiel sur la firmamento pasas delikataj, facilaj blankaj nubetoj, tiel en ŝia animo iras la okazaĵoj el ŝia malriĉa, simpla vivo. La kadukulina koro ekbatas pli forte, ke la avino vidas sin kiel infanon... Tie ĉi, sur la deklivo, same kiel nun Marjanka, kun vipo en la mano, ŝi paŝtadis anserojn, ludadis »blindan avinon«<sup>\*)</sup> kaj antaŭ ol ŝi konsciis tion, la jaroj pasis kaj ŝi fariĝis vera avino.

<sup>\*)</sup> Populara ludo de infanoj; unu el ili, kun tuko sur la okuloj, ne vidante la aliajn, klopodas kapti ilin.

surda kaj preskaŭ eĉ blinda...

Memkompreneble, la sepdek jaroj, kiuj kurbigas ŝian dorson, ne estas ludaĵo. Dum vivis la edzo, ĉio estis bona— sed poste la vivo ŝin ekpremis. Kun filo, orfo, ŝi akompanis la mortintan vojripariston al la tombo kaj restis sola en la mondo. Bovinon ŝi havis kaj senigi de ĝi ne deziris, ĉar »bovino estas duona vivpano«. La herbaron de la razenoj apudvoĵoj nun forfalĉadis la edzino de la nova vojriparisto, ŝi mem ne plu rajtis fari tion kaj devis sin treni laŭlonge de la kamporandoj kaj el tie, sur siaj ŝultroj, alportadi por la bovino herbaron kaj fojnnon, el la arbaro stern-ajojn por ĝia stalo kaj lignaĵon, ofte sub la peza ŝarĝo faletante. La ŝnuraj ŝarĝteniloj sangvundis ŝian ŝultrojn, la kolo ŝveldikigis, sur la premkontuzita, kaloplena dorso kreskis ĝibo, en la oreloj komencis muĝi kvazaŭ ŝi starus apud kluzo, ĝis fine ŝi plene surdigis kaj profunda, muta silento ŝin ekĉirkaŭis...

Tamen, glor' al Dio, pro ĉio ĉi! La filon ŝi eledukis, vivpanon elpenis, la barakon ŝi povis transdoni al li sen ŝuldoj; kiom gravis, ke ŝi kripligis?

Vere, ne plu ŝi povas fari krudan laboron, sed vartistino en la familio de la filo ŝi estis dum longa tempo, kiam li estis edziginta kun Madla. Infano post infano naskiĝis, jam en vindaĵo ŝi ekzorgis pri ĉiu el ili, arde gardis pri la vivo de ĉiu, kaj apenaŭ unu komencis kuradi, jam alia nova ido kuŝis en luli'o.

Sed jen, nun ankaŭ jam Marjanka forlasis la avinon: knabineto lertmovi kiel fiŝeto ŝi fariĝis. Post ŝi verŝajne neniu infano plu naskiĝos ĉe la gefiloj. La lulilon ili ja forigis jam el la ĉambro, do, komencigos por ŝi, maljunulino, fine silentaj, senzorgaj tagoj... Preĝejon karan kiam ajn ŝi povos viziti, dormeti, por la fila familio prizorgi kuiradon, ĝoji pri la infanoj kaj ĝui sennenan vivon...



Jakub  
Obrovský:

Cigana  
madono



## Artemis

— Josef Svatoopluk Macĥar —

El la figuroj marmorecaj  
De la homara infanaĝo  
Min ĉiam interesis pleje

Artemis.

En ta lerneĵ' el dorma tedo  
Min la belsona nomo vekis,  
Se profesoro diris riŭke:

Artemis.

Zorgante nek rigardon lian  
Nek la homerajn heksametrojn —  
Mi vidis nur la gravan, grandan

Artemis.

Tra mola herb' de l' Erimanto,  
Kun roso brila sur piedoj,  
Ĉashundojn kondukante, paŝis

Artemis.

Negblanka vest' la sveltaj flankojn  
Kaj virgulinan bruston kovris,  
Sagujon portis sur la ŝultro

Artemis.

En nigraj haroj — duonluno,  
Severo en okuloj nigraj —  
Al sorĉa somernokt' similis

Artemis. —

Ho, por rideto unusola,  
Por ĉirkaŭpren' de l' sveltaj formoj  
Mi riskus esti Akteono,

Nun certe je l' diar' ne kredas  
Eĉ la malgrandaj liceanoj,  
Kaj fabelaĵo estas ankaŭ

Artemis.

Sed unufoje mi ekkredis  
Rigardi per okuloj propraj  
La grandan, ĉarman kaj majestan

Artemis.

Mi en junio en arbaro  
Sin vidis en kostum' moderna.  
(Nun al la modo certe cedus

Artemis.)

En nigra, laŭtalia vesto,  
Kun ĉapelet' sur nigraj haroj,  
Jen sur ĉevalo blanka rajdis

Artemis.

Vizaĝo ŝia pala, grava,  
En la okuloj — severece,  
Konvalojn portis sur la brusto

Artemis.

Kun vipo en maneto blanka  
Galopis tra l' arbara ombro  
Al sorĉa somernokt' simile

Artemis.

Artemis!

El la ĉeĥa: Miloš Lukáš

Tiel cerbumas la avino, feliĉa kaj kontenta ŝi rigardas de sur la deklivo la vastan mondon kaj sidas silente, en la suna brilo, kiel skarabeto.

Aha, Marjanka nun ekmemoris ŝin kaj kure venas al ŝi. La kitelo flirtas ĉirkaŭ ŝi kaj la blankaj kruroj fluge petolas, dum ŝi rapidas al la avino. Ŝi amas la avinon kaj per sia tuta koro de infano dependas de ŝi. La avino ŝin ja edukis, instruis preĝi, rakontis al ŝi fabelojn, ŝin vartis sur la brakoj, instruis nomi birdetojn kaj florojn. Ankaŭ la avino amas sian plej junan nepinon plej multe. Ŝia sulka vizaĝo de malproksime jam ridetas al ŝi kaj ŝia malplena, senkolora voĉo, kian havas la surduloj, vokas renkonte al ŝi: »Do venu, mia floreto, venu.«

Marjanka alkuris kiel vento, sidigis ĉe la piedoj de la avino, atente kaj longe rigardis ŝian vizaĝon kaj kvazaŭ eĉ ne sentante, ke la avino karesas ŝin kaj interplektas ŝian densan hararon, ŝi subite kaptas la avinon ĉirkaŭ la kolo, tiras ŝin al si kiel maljunan salikbranĉon kaj krias kun sia tuta forto: »Avinjo, kliniĝu, mi ion diros al vi.«

La avino volonte klinas sian grizan kapon tutproksime al la rozkoloraj vangoj de la infano kaj demandas kun ĝojplena rideto:

»Do, kion vi deziras diri al mi, knabineto ora?«

»Panjo tre kverelis kontraŭ vi,« subite elglitis el la infana buŝo senpere en la streĉitan oreilon de la maljunulino.

Kvazaŭ la maja suno ne brilus varme, kaj kvazaŭ ekfajfus akra frosta vento, tiel ektemis subite la maljunulino. La sendantaj makzeloj ekklakis, la okuloj ekpalpebrumis, la brakoj ĉirkaŭprenis konvulsie la

infanon, en la ŝvelinta, dika kolo gargaris dum momento malfacila spiro, kaj fine eliris tra ŝiaj lipoj:

»Ĉu vere? La panjo koleris je mi, kaj kial do?«

»Ĉar vi estas viva kaj ne volas morti. Panjo diris, ke ni ne plu bezonas vin, ke ni ĉiuj estas jam grandaj, mi mem scias jam kuradi kaj ni ne aĉetos por ni plu knabeton aŭ knabineton, vi ne plu devos iun varti.«

Larmoj saltis en la okulojn de la avino. Ŝia harmonia humoro subite disigis, ŝafe blankaj nubetoj malaperis kaj nigra, perforta nubego grimpis sur la horizonton de ŝia animo.

»Kaj al kiu diris panjo tion?« ŝi demandas post momento kaj avide atendas.

»Al paĉjo!« elkris la infano.

Sufoka, morta silento ekgreis nun ĉirkaŭe, sed en la kaduka koro de patrino ekbolis kruda batalo. »Paĉjo« estas ŝia filo. Kion li respondis? Kion li diris al sia edzino alvokanta morton al lia patrino? Ĉu ŝi demandu la infanon? Ne, prefere ne. Kio, se li konsentis kun la edzino? Ah, tio signifus morton — la perdon de amo de unusola filo ŝi ne povus suferi... Ŝi sentas, ke glacia mano etendas sin al ŝia koro, kaj premas ĝin tiom, ke elspiri ŝi ne povas. Ne — nenio en la mondo igos ŝin demandi, prefere ŝi volas daŭre vivi en necerteco — en muta silento... Sed ne, tio ja ne estas ebla, ke propra sango tiom fremdiĝu, tamen ŝi eldiros la demandon — ŝi demandos, okazu kio ajn, por havi certecon. Kvazaŭ sur turmentilo estas ŝia animo, la koro doloras, la kapo, la tuta korpo, ĉio — eble ŝi pliigos la doloron, sed ne estas helpo — ŝi devas demandi, eĉ se ŝi la respondon ne povus trans-

vivi... Ĝi poste certe mortos pro doloro, tuj, tie ĉi, sur la deklivo verda ĝi mortos — sed aŭdi ĝi devas, kion la filo diris. La brakoj falis, ĝi liberigis Marjanka'n el sia ĉirkaŭpreno kaj pene, malrapide demandas:

»Muŝeto mia, diru al mi la veron: kion diris paĉjo?»

»Paĉjo?« Marjanka serĉas en sia memoro, pligigante per tio la doloron de la avino, plilongigante la turmentojn, ĝis fine, per simpla voĉo, kiu ankoraŭ ne scias mensogi, ĝi klarigas al la avino:

»Paĉjo akre riproĉis panjon. Li diris: Silentu, panjo, tuj silentu! La avino meritas de ni la malmultan nutraĵon. Ĝi gardas la domon, kuiras la manĝojn, purigas tolaĵojn: silentu, neniam plu mi aŭdu eĉ nur unu vorton kontraŭ la avino...«

»Infano, kara infano, ankoraŭ unu fojon, malrapide kaj klare ĉion ripetu al mi,« petas la maljunulino, forigante la kaptukon de sur sia orelo, premante la oreleon preskaŭ sur la buŝon de l'infano, malfermante sian buŝon, ĝi aŭskultas, ne — ne aŭskultas, sed preskaŭ suĉas la respondon, kiun la infano pli laŭte ol antaŭe estas elkrianta. Ĝi preskaŭ sufokiĝas, sed ne plu pro timo, sed pro ĝojo. Kapturna, ega ĝojo etendas sin en ĝia koro, en la oreloj muĝas, kvazaŭ sonoriloj ekjubilus, birdoj ekkantus, muziko ekludus. La koro

bategas, ĝoje bategas, preskaŭ volante krevi pro feliĉo, la okuloj larmas kaj la lipoj ridas. Subite kaj forte ĝi ekprenis la nepinon en siaj brakoj, premis ĝin sur sian velkan bruston kaj pasie ĝin kisigis...

»Avinjo, kio okazis al vi? Kial vi ploras?« mire demandas la nepino.

»Diru al mi ankoraŭ, ĉu oni jam sonorigis por la maja angeluso?« anstataŭ respondi la avino redemandas.

»Guste sonoras,« respondas Marjanka.

»Do, iru jam hejmen kun la anseridoj«, ordonas ankoraŭ la avino kaj kvazaŭ junulino, rapidpase ĝi iras en la kabanon. Ĝi metas sur sin nur pli bonan ĵupon kaj kun rozario en la mano ĝi rapidas al la preĝejo.

Neniu en la preĝejo preĝis hodiaŭ antaŭ la altaro de Sankta Maria pli fervore, ol la maljuna vidvino de la vojriparisto.

Ĝi preĝis por sia filo.

(Trad. Tonĉka kaj Vuk Ehtner.)

Jindřich Šimon Baar estas verkisto de Ĥodujo — regiono loĝata de kamparana popolo, la ĥodoj, antikva ĉeĥa tribo okupanta specialan lokon en historio kaj etnografio. La vivbatalo en malfavoraj cirkonstancoj naturaj kaj batalo por politika libereco (en la pasinteco) estas la temo de tiu ĉi verkisto, unu el la plej legataj nuntempe.



Svabinský:

Kunfando de animoj



## Kristnaska arbeto

— Jan Urba —

Post tre longa meditado Jirka Vaňkú fine kaptis kuragon kaj ekpasis al danga vojaĝo. Sola kaj sola, ĉar li sentis en sia infana koro, ke estas necesa iom da heroeco, por ke la afero sukcesu. Kvankam li timis eĉ nun, terure li timis, marŝetante tra la regiono, kiu estis superŝutita de alta neĝo, al la malproksima arbaro, malhele bluanta malantaŭ ebenaĵo de blankegaj kampoj, radiantaj en sunbrilo per amaseto da etaj gemoj.

Absolute li ne volis permesi, ke denove ripetigu la lastjara kaj antaŭlastjara ĉagrena historio. Nu jes, jam dufoje ne venis al ili Jesueto — li forgesis ilin, kaj nenion donacis al ili. Jirka estis ĉiam malgaja pro tio, kaj la fratineto, ankoraŭ pli malgranda ol li, ja eĉ ploris... Li ne estis tro certa, ĉu ili per io ne kolerigis Jesueton — ĉar la homo estas tiel malsaĝa, kiam li estas juna, kaj kvankam li jam vizitas la unuan klason de la popola lernejo, tamen multon li ankoraŭ ne scias... Tial li konfidencie, sed energie demandis la panjon.

Si ektimis iom, ekkaŭris sur malgrandan piedbenketon kaj tiris lin al si inter la genuojn. Poste ŝi diris al li, ke Jesueto tial ne haltis ĉe ili, ĉar li ne vidis ĉe la fenestro kristnaskan arbeton; li ja pensas, ke tie, kie oni ĝin ne preparas, oni ne deziras lian donacemon... Antaŭe paĉjo alportadis la arbeton el arbaro. Li foriris militservi — kaj ŝi ne havis tempon ĝin alporti. Si devis perlabori, zorgi por ke estu io por manĝi — kaj tiel ĝi okazis...

La eta Jirka komprenis tion kaj sulkigis la frunton, ĉar ŝajnis al li, ke ĉion ĉi Jesueto jam delonge devus scii. Sed li kontentiĝis per la klarigo, kaj diris plu nenion.

Malrapidete pasis jaro, denove alproksimiĝis


Kristnasko, sed paĉjo ĝis nun ne revenis el la milito. Pasis la vico de la lastaj tagoj, dum kiuj la eta Jirka batalis en si pri granda decido. Li mem, pro timo, jam estus rezigninta je donacoj de Jesueto, sed li ne volis, ke la fratineto denove ploru, kiel pasintjare... Kaj kiam ŝi matego antaŭ li demandis la panjon, ĉu hodiaŭ venos Jesueto, li venkis la lastan timotremon en sia timplena koro — kaj firme decidigis, ke posttagmeze li nepre ekiros en la arbaron kaj alportos arbeton, por ke la malfeliĉo ne ripetigu...

Baldaŭ post la tagmezo li ŝteliris el la domo kaj nun marŝetis tra alta neĝo al la arbaro. Sur la kapo li havis vilan peltan ĉapon kun orekviriloj, kunligitaj sub la mentono per galono, lia kolo estis ĉirkaŭvolvita per tuko — kaj la manoj profunde enŝovitaj en la poŝoj. Liaj piedoj frostetis kaj li tremis pro malvarmo, sed tion li ne atentis. Sur la maldekstra brako balanciĝis la mansegilo de la paĉjo, kiun pene li elserĉis en la subtegmento el amaso da malnova formetaĵo. Li eĉ sciis, kiel granda devas esti la arbeto. Iun posttagmezon, kiam neniu estis hejme, li grimpis sur la tablon, starigis piedfingro kaj la brakon etendis al la plafono. Jes, ĝi povas esti ankoraŭ pli alta, ol li kapablas manetendi...

Li marŝis tra la neĝkovrita regiono kaj tre miris.

Ĉie estis blankaj surŝutaĵoj kaj sur la arbustoj plenpleno da neĝoflokoj. Sed kiel li miregis en la arbaro! La pintoj de l' arboj estis blankaj, de la branĉetoj pendis glacikonuso kaj la trunkoj estis sukerigitaj de prujno. Li retenis la spiron kaj ŝajnis al li, kvazaŭ li marŝus en fabelo. La profunda kaj majesta silento, kiu ĉie etendiĝis, lin tuŝis nevideble kaj konsternis...

Fine li atingis junan arbetaron. Estis tie senfina



Max Svabinský:

Aŭgusta tagmezo

## Sur la pont' d' Avignon

— Karel Toman —

Sur Avignona ponto  
oni dancas,  
pri Avignona ponto  
oni kantas,  
sed kanton nur mallongan,  
mallongan eĉ danceton,  
nur akvo zumas eterne.

Sur Avignona ponto  
staris papo,  
trans Avignona ponto  
marŝis jaroj,  
hodiaŭ sur ĝi ad'aŭas  
Provencan ĉeĥa poeto.  
Nur akvo zumas eterne.

Sur Avignona ponto  
— ho adiaŭ —  
sur Avignona ponto  
au revoir!  
arboj cipresaj, olivaj,  
lando vi sorĉa kaj dolĉa.  
Nur akvo zumas eterne.

Sur Avignona ponto,  
dankon, lando,  
sur Avignona ponto  
mi nun sanas  
revante, ke sur ĝi paŝad's  
Karolo Kvara, reĝo ĉeĥa.  
Nur akvo zumas eterne.

Sur Avignona ponto  
oni dancas  
pri Avignona ponto  
oni kantas  
kvazaŭ sur ponto en Praha.  
Kanto tre longa, tre longa.  
Kaj akvo zumas eterne.

(«Centjara kalendaro», 1926.)

El la ĉeĥa: **Dr Stan. Kamaryt**

aro da arboj kaj ĉiuj estis belege superŝutitaj de neĝo. Li elektadis longe, kelkajn arbojn li rigarde amkaresis — ĝis fine unu el ili plej multe ekplaĉis al li. Etendante alten la brakon, li stariĝis piedfingre kaj kontente ekspiris. La arbeto taŭgis ankaŭ laŭmezure...

Li genufleksis en la neĝon al sia elektito, alpremis segilon al la trunketo kaj komencis segi. Sed la arbeto havis tre mortrezistan vivon. Jirka estis jam tro laca kaj ŝvitanta, liaj manoj pro neĝo ruĝiĝis kiel kankro — kaj la arbeto ankoraŭ ne estis cedanta... Nur post ankoraŭ longa penado ĝi ruliĝis sur la vojeton.

Sed en la sama momento ekkraketis la neĝo malantaŭ Jirka, eksonis insulto, kaj iu elŝiris la segilon el lia mano. Li ektimis, saltleviĝis kaj sin turnis — kaj vidis, ke malantaŭ li staras homo kun nigra ĉapo, kun flava, ronda metalplateto sur la brusto kaj kun pafilo sur la ŝultro. La segilo ekkrakis en liaj manoj — kaj ĝi jam flugis en alta arko en arbustdensaĵon, rompita en du pecojn. Poste Jirka ricevis vangofrapon tiel, ke li falis en la neĝon. Kaj kiam li rapide leviĝis kaj kuris al la urbo, ankoraŭ longe flugis post li insultoj.

Dentklakante pro timo kaj malvarmo fine li kuratingis la urbon. Dumvoje li nekalkuleble multfoje faletis kaj falis en neĝblovaĵon, multegfoje li glitis sur glacio kaj falante, dolorige li batvundiĝis. Sed li atentis nenion: denove li leviĝis kaj kuris kaj kuris, ĉar lia timo estis pli granda ol la doloroj. Nur inter la domoj de la urbo li trankviliĝis. En la vizaĝo li estis malpurigita, ĉar sur ĝi li disŝmiris ĉiujn larmojn; sed en la urbo li ne ploris plu...

Kiam li venis hejmen, jam krepuskiĝis kaj la panjo jam avide serĉis lin. Ŝi terurigis pro lia stranga aspekto; sed li honeste kaj fidele rakontis pri ĉio kaj ne povis reteni sin de esploro. De ŝi li eksciis, ke la homo, kiu lin forpelis el la arbaro, estas arbargardisto kaj ke li loĝas en la lasta dometo de la antaŭurbo flanke de la arbaro. Dum la vespermango li ne povis ne demandi — kaj tiam li eksciis, ke la arbargardisto havas malgrandan knabineton...

Vespermanginte, la panjo lavis la vazojn kaj Jirka ekstaris ĉe la fenestro kaj ekrigardis sur la ĉielon. Brulis tie steletoj kaj ie, malantaŭ la tegmento, brilis la luno. Sed Jirka atendis. Jam delonge li sciis, ke Jesueto alveturas de la ĉielo teren sur argenta nubeto. Kaj tiun nubeton li atendis...

Fine li ĝisatendis. La nubeto elnaĝis super la tegmentosupro de la kontraŭa garbejo. Jirka tuj sciis,

ke ĝi estas la ĝusta, ĉar ĝi brilis argente kaj ĝiaj randoj estis disigantaj, kvazaŭ el punktoj — ĝi aspektis same tiel, kiel la blankaj kusenoj, kiuj estas en la preĝejo ambaŭflanke sur la altaro.

Apenaŭ la nubeto aperis, Jirka sin krucsignis rapide kaj jam preĝis kun la tuta ardo kiun kapablis lia infana koro. »Jesueto« — li diris, premante la kunplektitajn manojn sur la bruston — »mi petas vin, Jesueto, al la knabineto de la arbargardisto donacu nenion, tute nenion, ĉar ŝia paĉjo forprenis de mi la arbeton!« — Kaj denove sin krucsignante, li foriris de la fenestro.

Sed ne atinginte ankoraŭ la mezon de la ĉambro, li subite haltis kaj rapide revenis al la fenestro. Denove li krucsignis sin, ekrigardis la nubeton, kiu preskaŭ jam estis perdisanta en la alto kaj rapide ekpetis: »Jesueto, atendu, mi petas! Ili loĝas ĉe la fino de la antaŭurbo, flanke de la arbaro, kaj ŝia paĉjo havas nigran ĉapon, barbon kaj ruĝan nazon — kaj sur la jako li portas flavan, rondan metalplateton — kaj sur ŝultro rustiĝintan pafilon!« — — —

Poste, kiam la panjo metis lin en la liteton por dormo, li vidis, ke ŝi havas larmoplenajn okulojn. Li ekpensis, ke verŝajne ŝi aŭdis lin preĝi ĉe la fenestro. Iel li ekhontis kaj, por ŝin trankviligi, li diris virece kaj konvinke: »Nu, ne ploru, panjo, mi ne plu pensas pri tio! Mi ja iris tien nur pro Maŝenka, por ke ŝi ne ploru kiel lastjare, kiam Jesueto nenion donacis al ni...«

Tiel li parolis kaj kontente ekdormis. — — —

Sed kia surprizo estis matene por li! Jesueto estis ĉiĵare multe pli malavara ol lastfoje. Ne atentante, ke ili ne havas arbeton, li donacis al ili laŭ la maniero de sankta Nikolao sur la teleretojn ĉe la fenestro. Estis tie kaŝtanoj, figoj, pomoj, estis tie eĉ sukeraĵoj! Gojo plenigis la ĉambron kaj Jirka, de ĝi kaptita, eĉ ne rimarkis, ke la panjo malsanktigis la Kristnaskan feston kaj kudris diligente de la mateno ĝis la vespero...

Sed la postan tagon kaptis lin stranga malĝojo. Vekiĝis en li la konscienco. Li konsciigis, ke al la filineto de la arbaristo Jesueto nenion donacis, ĉar li plendis kontraŭ ŝia patro kaj ŝi nun certe ploras... Meditante tiel, li sidis horeton en anguleto, ĝis fine li malfacile decidigis. En la poŝojn de sia jako li metis kelkajn pecojn de ĉio el la telereto — kaj eliris el la domo.

Li iris al la arbargardisto...

Sur la korto de ilia dometo li subite renkontiĝis kun la gardisto de arbaroj. Ili rekonis unu la alian,



kaj je lia demando Jírka honeste diris, kial li venas: Kiel li plendis al Jesueto kaj kiel li nun kompatas la knabineton, kiu pune ne ricevis donacojn pro tio, ke ŝia paĉjo forprenis de li la arbeton. La arbargardisto ekridis kaj kondukis lin en ĉambron.

Jírka ne povis kredi al siaj okuloj. En la ĉambro estis arbo — sed arbo de planko ĝis plafono kaj plenplena de sukeraĵoj kaj frandaĵoj. Ĉiuj tie demandis lin pri paĉjo, panjo, fratineto — kaj kiam li ĉion respondis, ili plenŝtopis liajn poŝojn per amaso da objektoj kaj aldonis ankoraŭ grandan paperan saketon plenplenan de dolĉaĵoj. Poste akompanis lin la arbargardisto ĝis la pordo kaj senĉese li ridis...

Sed Jírka ne emis ridi. Jesueto — diroj de la panjo — nubeto — iliaj malgrandaj teleretoj kaj tia arbeĝo ĉe la arbargardisto — ĉio ĉi dancis en lia kapo. Certe io ne estis tie ĉi en ordo.

Kaj tiun tagon, antaŭ ol li venis hejmen, naskiĝis en lia koro kruela malkonfido, ekskuanta ĉion, kio ĝis nun estis certa kaj senduba...

Jes, nepre io ne estis tie ĉi en ordo. Jírka sentis doloron pro la homa maljusteco, doloris lin la dia maljusteco, doloris lin ĉio. Hejme li kaŝis sin en anguleton malantaŭ la lito, por ke li povu ĉion bone pripensi. Pro la alportitaj frandaĵoj li tute ne ĝojis. Kvankam li rigardis kontente, kiel la fratineto ludetas kun ili, kiel ŝi ĝojas pro ili kaj kiel ŝi frandas, li mem ne prenis eĉ unu peceton.

Li nubigiĝis, kelkfoje li faris ploreman mienon, ĉar lia ĉagreno ŝanĝigadis je korpa doloro. Ĝi komenĉiĝis, kvazaŭ oni premus lian koron, kaj poste stranga doloro etendiĝis tra la brusto. Antaŭvespere li iam ne

povis ne paroli pri tio al sia panjo.

Si ektimis, karesis lian frunton kaj rapide enlitigis lin, aspektante tre zorgema. Si eĉ insistis meti sur lian frunton vinagran kompreson. Li konsentis pri tio, sed li tamen deklaris, ke nenio helpas — ke Jesueto devus esti pli justa...


La postan tagon matene estis ankoraŭ pli malbone. La panjo venigis sinjoron kun okulvitroj, kiu skribis malgrandan folieton, por kiu la panjo post momento alportis boteleton da flava kaj dolĉa akveto. Si alportis por li ankaŭ grandan oranĝon kaj la tutan ŝi donis al li, kiam li promesis, ke li brave kaj trankvile kuŝos. Li formangiĝis peceton, sed ĝi ne ŝajnis al li bongusta. La doloro estis ĉiam pli kaj pli granda. Denove li enpensiĝis kaj vespere li diris al la panjo, ke la doloroj estas netolereblaj — kaj ke li iros por plendi kontraŭ Jesueto en la ĉielon.

La tutan nokton li kriis dormante... Ke Jesueto ne estas bona, ĉar al la knabineto donacis grandan arbon kaj al li nur malgrandan telereton. Ke la arbargardisto forprenis de li la arbeton kaj ridis ankoraŭ. Ke li volas nek oranĝojn, nek sukeraĵojn...

Kaj efektive! La duan tagon antaŭ tagmezo foriris lia animeto... Jírka foriris en la ĉielon por aranĝi sian aferon kun Jesueto...

La panjo ploris kaj al la eta Maŝenka oni diris, ke Jírka mortis. — Sed se ŝi nur kredus tion! — Si formangiĝis la restintan duonon de la oranĝo, formangiĝis la sukeraĵon — kaj estis tre fiera pri la trato Jírka, kiu estis tiel kuraĝa, ke li sendis sian animon en la ĉielon, por ke ĝi tie ĉe Dio plendu kontraŭ Jesueto.

El »Libro el la naturo« tradukis B. Sklenčková.



Preisler:

Adamo kaj Eva

# La sekreto de la reĝino

— Edvard Valenta

Kiel konduktoro de tramo mi travivis multe da etaj aventuroj. Iufoje estis arestita en mia vagono, ĝuste kiam ni ekveturis antaŭ la kafejo Kurtl, miliona defraŭdinto Alfred Baumann, kiu sin defendis kun revolvero en la mano. Mi estis en tiu afero ankaŭ vokita kiel atestanto kaj mia nomo tiam eĉ estis en ĵurnaloj. Aŭ alifoje veturis kun ni dika sinjoro en pelto kaj ne havis transbileton, sed tamen li asertis, ke lia bileto estas ĝusta. Mi diris al li, ke li aŭ aĉetu novan bileton aŭ afable eliru, sed li ekscitiĝis kaj dufoje min forte batis en la vizagon. Li ricevis por tio ĉe la distrikta tribunalo kvardekok horojn. Skudil estis lia nomo. Kaj iam, apud la ĵutfabrika de Kratochvil, ni transveturis maljunan barbulon. Mi memoras, ke, kiam kamarado Cekl subite ekbremsis, mi flugis inerte tra l' malfermita pordo ĝis sur la platformon kaj tuj mi desaltis el la vagono. Mi vidis la maljunan viron, lia rompita kapo kuŝis sur bruna brakpapperujo. La bedaŭrinda Cekl ricevis pro tiu malfeliĉo tri monatojn kaj estis maldungita, kvankam ĉe la esplora juĝisto mi respondadis favore por li laŭ mia tuta povo.

Sed mi pensas, ke la plej mirinda aventuro, kiun mi travivis kiel konduktoro, okazis la novembran sabaton sur la deksepa linio. Mi ne veturadis ofte sur tiu linio kaj pro tio mi iom dediĉis atenton al la homoj, kiuj tie eniradis kaj ree malaperadis. Estis ĉirkaŭ la sesa vespere, ni veturis el la finstacio ĉe la arsenalo, la vagono estis apenaŭ duonplena. Kiam ĉe la haltejo apud la kazerne de la 6-a infanteria regimento mi ekfajlis por forveturo kaj eniris la vagonon, mi rimarkis, ke en la angulo ĉe la antaŭa platformo sidas junulino, sinjorino, kies admirinda aspekto min tuj en la unua momento ion konfuzis. Mi ne kredas la babiladon pri amo je la unua ekvido, precipe ne pri la mia, konduktora; al tiu ĉi sinjorino, sed marŝante al ŝi per balancantaj paŝoj, alkiuj mi alklutimigis en mia profesio, mi sentis profundan malĝojon, kia okupas la ordinaran, simplan homon ĉiam, kiam li haltas antaŭ io, kontraŭ kio li estas malgranda kaj mizera kaj je kio li ne rajtas pensi. Mi scias, ke mi ne rajtas revii pri tiu virino alie ol tramvoja konduktoro, kiu iam vendis al ŝi bileton. Kaj efektive, kiam ŝi



Jaroslav  
Čermák

Rabo de  
montenegra  
virino

petis bileton al la finstacio en la parko apud la areno, ŝi prezentis al mi monon tiel kiel oni ĝin ŝovas en sen-  
vivan aŭtomaton. Kompreneble, mi nenion ja signifis  
por ŝi. Mi estis numero 437, kiu al ŝi vendis bileton  
por krono kvindek. Sed malgraŭ tio mi bedaŭris, ke  
hodiaŭ mi ne razis min.

Ni estis veturantaj el periferio en la urbon. Apud  
la kino Vitagraph envagoniĝis juna viro en griza malkara  
vintrosurtuto kaj restis sur la antaŭa platformo.

— Al la stacidomo! Al la stacidomo! li diris rapide,  
poste transmetis sian paperujon de sub unu brako sub la  
alian, prenis el sia poŝo etan horlibron, ŝovis en ĝin la  
nazon, foliumis, balancis la kapon, elprenis la horloĝon  
kaj ekmanis tinapreme. Certe li tre rapidis. Mi jam  
scias rekoni tiajn homojn!

Sed post kelkaj haltejoj mi rimarkis, ke la homo  
malantaŭ la vitro grandokule rigardas tiun sinjorinon.  
Tion mi konas. Kiam apud la teatro leviĝis de la seĝo  
kontraŭ ŝi ia dikulo, la senpacienulo sur la platformo  
iris internen, sidigis kaj komencis esplori la reklamajn  
gluaĵetojn sur la vagonmuroj, kvazaŭ ne estus klare al  
ni ĉiuj, ke dum tio li rigardas al sia kontraŭulo kaj ke li  
estas tute konfuzita. Li eĉ surmetis la gantojn, rigarde  
glitis al siaj botoj kaj diskrete forigis blankan makulon  
sube sur la surtuto, per kiu li verŝajne ie ektuŝis muron.

Mi ne koleris tiun homon, kvankam iam similaj  
aferoj jam naŭzis min, estante ja tro oftaj kaj ĉiam  
egalaj. Ne pro tio mi diras, ke li donis al mi tridek  
helerojn trinkmone. Ne pro tio. Sed li aspektis tiel ag-  
rable, lia rigardo estis tiel sincera kaj lia nekaŝata admiro  
tiel infane naŭva, ke mi tuj deziris lian sukceson; mi diris  
al mi, nun ŝi tamen povus ekrideti al li! Sed ŝi sidis  
kontraŭ li en sia griza pelto, kun flavaj sukcejoj ĉirkaŭ  
la kolo, kaj manoj grizgantaj, krucigitaj sur la genuoj  
super malgranda mansaketo. Ŝi ne elŝovis la genuojn en  
silkaj ŝtrumpoj, kiel iuj tion faras. Reĝino ne povis sidi  
pli bone dum festa revuo sur tribuno laŭre girlandita kaj  
ombrita de flagrantaj flagoj. Tion mi iam legis kaj nun  
ekrenemoris. Mi absolvigis kvar klasojn de realernejo kaj  
diligente mi prunteprenas librojn el la biblioteko por  
personaro de la urba tramo. Tiel mi legas pri diversaj  
aferoj kaj malsaĝulo mi ne estas. Tiu ĉi certe estis virino,  
pri kiu povus esti verkataj rakontoj kaj eĉ romanoj,  
tion mi ekkonis tuj.

Sed nun mi ne havis tempon por atenti tiujn  
homojn, la tramo veturis en la urbo kaj la vagono estis  
plena. Ĉe l' haltejo antaŭ la stacidomo mi vidis, ke la  
viro stariĝis, ektuŝetis kaj ree sidigis. Post kelke da haltejoj  
pliaj la vagono iom malpleniĝis, ĉar multe da laboristoj  
transiris al la linio sesa iranta al la laborista kolonio.  
Nur nun mi vidis, ke la viro ne eliris, sidas kontraŭ ŝi  
kaj rigardas.

La lumoj de neonreklamoj ĉesis fluge pasi preter  
niaj fenestroj, la klaksonoj de aŭtomobiloj maloftiĝis,  
ni veturis preter la stadionoj kaj tra la kaŝtanarba aleo  
sub la Prezidenta Monteto, sursemita de vilaoj riĉulaj.  
Tio ĉi jam estis preskaŭ senhome. Kaj fine mi havis  
en la vagono ses-sep homojn, mi stariĝis sur la malantaŭa  
platformo kaj faris notojn pri venditaj biletoj. Kaj ree  
mi observis tiujn du. Subite min frapis io neordinara,  
neatendita, ia stranga malkvieto de la virino. Mi eĉ ne  
povis rimarki, ke ŝi kelkfoje rigardis lin kaj eltenis  
lian ekstazan rigardon, kvazaŭ komprenante. Kaj alfoje ŝi  
ekrigardis lin elsub sia ĉapelo embarase kaj klinis tuj la  
kapon, ĉar lia persista rigardo, peta, malfiera, malaŭda-  
aca kaj senmensoga, ne cedis kaj konfuzis ŝin. Tiam  
amindumanton oni ne vidas ofte. La bedaŭrinda birdo  
estis tiel ravita, ke li ne kapablis sin regi. Nur nun mi  
ekpensis, ke li havis malgrandan bileton al la stacidomo  
kaj ke li jam daŭrigas proksimume dekkvin haltejojn.

— Pardonu, ĝis kie validas via bileto, sinjoro?  
Bouvolu montri al mi vian bileton, sinjoro!

— Li skuigis, palpis tra la poŝoj, poste deprenis la  
gantojn kaj palpis denove, montris al mi la horloĝon,  
sed kiam mi kapneis, li ruĝiĝis kaj ekridetis, fine li el-  
prenis la bileton kaj malfaldis ĝin per tremantaj fingroj.



Josef Mánes:

Josefine

— Vi havas, permesu, bileton sole ĝis la stacidomo,  
bonvolu aĉeti novan bileton, mi petas! mi diris al li.

— Jes, jes, li elbalutis kaj elprenis monon kiel  
en sonĝo.

Li dronas en tio ĝisorele, mi ekpensis. Nu bone, sed  
venas jam la antaŭlasta haltejo. Tiuj du rigardas unu la  
alian. Liaj okuloj pendas sur ŝia vizaĝo, sur ŝia sino, sur  
ŝiaj kruroj. Kvazaŭ li ne povus sin satigi. Kaj ŝi ne  
povas ne vidi lian ravitecon. Ŝi vidas, ke li estas sorĉita,  
ĉarmita, ŝi konscias, ke ŝi ne povas lin koleri, ĉar li ne  
estas ordinara abomena danda amindumisto. Ho, mi havas  
bonajn okulojn por tiaj aferoj! Ŝia rigardo estas tiel  
mola kaj kvazaŭ iom petanta lin, ke li ne faru tion,  
kvazaŭ ŝi estus en granda embaraso.

Ŝi ekmoviĝis maltrankvile, ni jam estis inter vagon-  
ejoj de la lasta haltejo. Subite tuta ŝi kaŭrigis en sia  
angulo, mordetis la lipojn, zorgomene ekrigardis al ĉiuj  
direktoj kaj subite ekrigardis lin, sed konfuze kaj senkon-  
sile. Ŝi certe diras al si: nun ni elvagoniĝos kaj li aliĝos  
al mi. Pardonu, fraŭlino, ĉu vi permesos akompani vin?  
Tion ni konas, ankaŭ ni faris tiel! Ŝia rigardo diras, ke  
ŝi tion ne deziras. Kaj tamen, mi volus tion juri, ŝi  
rigardas la junulon per okuloj tiel reĝeĉe komprenemaj,  
estas en tio granda kompreno kaj pardono. Ne, ne, tion  
mi ne povis kompreni.

— Areno, mi vokas. — Ĉiuj eliru!

La aventuro finiĝas. Eble ĝi komenciĝos nun, certe  
jes. Sed el tio mi jam nenion havos. Mi deziris al tiu  
homo ĉion bonan, ĉion plej bonan. Tiu senenergia, peta  
rifuzo ŝia, tio estis kompreneble la lasta resto de la bona  
eduko, ŝi estas filino el iu vilao super la rivero. Sed tio  
cedos, tio cedos. La vojo tra la parko, preter la areno,  
plue preter la akvorezervujoj kaj Lunaparko, kaj de la  
akeiza linio estas ankoraŭ bonaj dek minutoj, ho jes, tio  
sufiĉe plene! Ĉe lia pasio! Tiu bonega junulo meritas  
la bonan rezulton! Ĉu li ne lasis forpasi la vagonaron  
pro hazarda renkonto? Je ĉiuj diabloj, nun kiam ĝi plene  
ordigis en mia kapo kaj kiam ĝi komencas plaĉi al mi,  
estas fino.

Mi volvis al mi cigaredon kaj fumis promenante  
sur la flava pavimo de la perono. Estis jam preskaŭ la  
sepa horo, diŝe venadis homoj, kelke da ili envagoniĝis.

Kaj jen subite mi vidis, ke ankoraŭ ne estas la fino.  
La persekutanto promenas apud la vagono tĵen kaj reen,  
konsternita, kaj en la vagono sidas la persekutato plue  
en sia angulo. Ŝi ne elvagoniĝis.

Mi ensaltis en la vagonon.



— Ni estas en la finstacio, fraŭlino!

Ŝi ekrigardis min per trankvila, reĝina, sincera okulo.

— Mi ne sentas min bone, ŝi diris.

Mi klinis min. Mi rapidos por akvo en la oficejon de la administracio, aŭ se la fraŭlino loĝas malproksime, mi telefonos por takcio.

Ne, ne, ŝi dankas. Ŝi veturos reen! Ŝi preferas ankoraŭ iom veturi.

Denove mi klinis min. Do tamen ŝi nepre ne deziras esti akompanata. Mi ekrigardis la horloĝon. En tiu momento mi subite sentis, ke mi mem estas iom ebria per tiu virino. Mi donis signalon por forveturi, la akra sono de fajfilo sin portis al la malluma senfolia parko antaŭ la areno. La homo sur la perono saltis en la vagonon kaj sidigis peze en la angulo kontraŭ ŝi. La aventuro komenciĝis denove. Ili ambaŭ prenis grandan bileton unulinian.

Homoj veturantaj en teatrojn kaj kinojn plenigis en la urbo la vagonon, la lumreklamoj ree fandiĝis kun la penetrantaj tonoj de klaksonoj, denove ni interŝanĝis homojn apud la stacidomo kaj la okan fojon ni troviĝas inter la konstruaĵoj de forte lumigitaj vagonejoj apud la arsenalo.

Mi timis, ke mi faros ian sensencaĵon, tiel ekscitita mi estis la tutan vojon. Ĉi tie jam estis nur nemulte da homoj kaj tiuj du sidas kaj sidas kontraŭ ŝi. Ŝi komencis aspekti malespere. Ŝi petis lin per okuloj, ke li lasu tion. Tio estis pli klara ol se ŝi estus pete plektinta la manojn. Sed en tiu rigardo estis ĉiam kaj ĉiam samtempe iom pli multe. Ŝi diradis al li, ke ŝi havas nenion kontraŭ li, ke ŝi estas kortuŝita, ke ŝi lin ŝatas. Kaj tion ĉi mi ekkonis, mi, kiu povis dum mia laboro sole de tempo al tempo alstrabi al la stranga duo! Kaj kiu scias ĉion, kion ŝi tiel parolis al li, kiam mi ne rigardis!

Mi proponis min en la fina stacio apud la arsenalo, ke mi alportos refreŝigajn gutojn — tuj malantaŭ la angulo estas apoteko. Ŝi dankis kaj malakceptis. Ŝia gardanto promenis sur la perono. Diversaj pensoj venis al mi en tiuj liberaj momentoj; eble li estas sekreta policano kaj li persekutas aventuristinojn de eŭropa formato. Sed tiam li povus aresti ŝin tuj. Estas do sensencaĵo.

Mi fajfas, la viro ensaltas kaj peze sin lokas en la angulon, ni veturas reen. Apud la infanteria kazerno eniras revizoro. Estas Brejcha, loĝanta en Strato de Paco kiel mi. Mi sentas, ke mi ion fuŝis en la registro de venditaj biletoj, mi faris ja ĉion kiel en sonĝo. Li frapetas je ĝi per kraĵono, inspektas la biletojn, la biletojn de la pasaĝeroj, revenas al mi kaj diras flustre:

— Kaj tondigu viajn harojn malantaŭe sur la kolo kaj malantaŭ la oreloj. Kaj razu vin ĉiutage!

— Jes, jes, mi respondas rapide kaj estas dankema al li, ke li tion diris tiel flustre, ke neniu povis ĝin aŭdi.

Estas malfrue. La neonlampoj estingiĝis kaj la stratoj senhomigiĝis.

Depost la stadiono ni estas tri en la vagono, ili du kaj mi. Ŝi ekrigardas kelkfoje la horloĝeton kaj ĉiam ektimiĝo skuis ŝiajn lipojn. Kompreneble, virinoj kiuj iras je la sepa al vespermango, povas havi sufiĉe da timo post la naŭa, se ili ne estas jam hejme. Mi rimarkas, ke subite ŝi rigardas lin kun tia terura angoro, ke embarasite li stariĝis kaj konfuzite li balanciĝis al la malantaŭa platformo, tie sin apogis, plue rigardis, deprenis la ĉapelon, frotis al si la frunton, ree surmetis la ĉapelon kaj ektusis en eksterordinara ekscitiĝo. Tiam mi vidas, ke la fraŭlino, subite en ia senespera decidiĝo, mansignas al mi. Mi forlasis la viron sur la platformo kaj staras antaŭ ŝi.

— Vi bonvolas?

— Diru, mi petas, al la sinjoro, ke li foriru. Ke li foriru! Diru, mi petas, diru, ke li estu tiel afabla kaj foriru! Ke li estu tiel afabla kaj ke li foriru!

— Volonte, mi diris, kaj salutis ĉape. Mi foriris al li kaj flustras tion al li en la oreleon. Tuta li kvazaŭ kaŭriĝis en sin kaj paliĝis.

— Ĉu tion ŝi diris? li flustris. — Kiel ŝi tion diris?

— Si diris, ripetas mi. — ŝi diris, ke vi estu tiel

## La vivo

— Jaroslav Vrchlický —

Gin de l' dioj prenu vi nur donace,  
Ne fidante, ke ĝi promeso estas  
Pri plezuroj, ĝuoj; neniam ili  
Iĝos realaj.

Ne pretendu ĝojon, eĉ ne momentan,  
Nek el polvo penu al steloj flugi.  
Sentoj de feliĉo ja al vi fremdaj  
Restos por ĉiam.

Kiel ĵus stampitan moneron brilan  
Prenu vi la vivon, kun signo stranga  
Kaj mistera teksto, so'votaj eble  
Iam de Sfinkso.

La simbol' kaj skribo enigmaj restos  
Eble ĝis la fin' de migrado via.  
Kies kulp'? Ne vi la moneron stampis,  
Gin vi ricevis.

Kiel ĝin redoni? Por la respondo  
Nur la temp' liveros al vi ŝlosilon;  
Zorgu ĝin laŭ eblo konservi brila,  
Kiel komence.

Vian ĉenu volon! La koron ŝtonu!  
Skurgu korpon vian ĝis senkarniĝo!  
Dubu, ĉu l' enigmo eĉ super tombo  
Solvon atingos.

El la ĉeĥa: Miloš Lukáš

afabla kaj ke vi foriru. Kelkfoje ŝi ripetis tion.

— Jes, vere, li balbutis konfuzite — tiel ŝi diris tion, diru al ŝi afable, ke ŝi pardonu, ke mi tuj foriros, ŝi pardonu; diru al ŝi, ke ŝi senkulpigu min, ke mi estis tia maldelikatulo.

— Volonte, diris mi.

Li min kaptis je ŝultro, apenaŭ mi ekiris kaj trenis min reen. Mi vidas, ke lia viktimo rigardas al ni.

— Diru tion alie. Petu, ke ŝi tuj diru al vi, ĉu ŝi pardonis min. Mi elvagoniĝos tuj.

Mi iris, iom min klinis al ŝi kaj flustris tion al ŝi. Ŝi fermis la okulojn, apogis sin peze kaj dankis al mi. Mi pensis, ke ŝi svenos. Sed ŝi refortiĝis. Mi diru al li, ke ŝi neniom koleras. Eĉ ne iomete. Sed ke li foriru.

Mi tion diras al li. Mi rifuzas la trinkmonon.

Ni haltas en la antaŭlasta haltejo. La viro elvagoniĝis rapide kaj staras en la densa mallumo de la kaŝtanele, izole sola homo en la vasta regiono de tiu senhoma kvartalo. Mi fajfas kaj ni ekveturas. Kaj tiam, mi tion ĵuras, la virino sin turnas subite al la fenestro kaj rigardas en la mallumon. Ŝi deprenas rapide ganton, premas fingrojn al siaj lipoj kaj metas ilin firme al la fenestro.

Ĉu kison ŝi sendis al li?

Ŝi vokas min. Ion ŝi diras al mi, ektuŝas mian manon. Superfluas min sento de silenta feliĉego kaj dankemo. Nur nun mi sentas, ke ŝi donas al mi banknoton. Mi malakceptas la monon tre ĝentile kaj profunde salutas. Mi revenas al la malantaŭa platformo. Ni estas ĉi tie solaj. Mi registras la venditajn biletojn. Ne, ion tian mi ne povas kompreni, ne, tion mi absolute ne komprenas. Dum tri horoj daŭris tiu ĉi frenezajo, por nenio. Mi sentis bedaŭron pri tiu frenezulo, kiu staris kiel kolono, tie sub la kaŝtanoj. Ŝi estus nenion perdinta, ŝi reĝino, se ŝi estus lasinta al li iom da ebleco, la kelkajn paŝojn de la stacio al la vilao —

Kaj ree ni veturis la arkon inter la vagonejoj de la lasta stacio apud la areno. La vagonoj haltis kaj la reĝino stariĝis per fiera, majesta movo, elvagoniĝis kaj estis foriranta, tute sola. Kaj en tiu momento fariĝis videbla la sekreto de la reĝino.

Ŝi estis lama.

El la ĉeĥa: Rud. Hromada.

# T. G. Masaryk

— Emil Ludwig —

Amiko de homaro kaj Eŭropano: tie mi nomus la prezidanton Masaryk, se ambaŭ karakterizoj ne havus preskaŭ la saman sencon. Ĉar, kiel hodiaŭ sin povus nomi amiko de homaro tiu, kiu kredus je hegemonio de sia nacio, de siaj raso aŭ klaso, anstataŭ je Eŭropo; kaj ĉu Eŭropano, kiu en ĉiuj sociaj problemoj ne sentus pacigeme?

La prezidanto ĝisvivis en sia maljuneco la maloftan feliĉon, ke li vidas, kiel la revoj kaj ideoj fariĝas faktoj kaj ke li kulminaciigas evoluon de pensulo al ŝtatesto kaj reen de ŝtatesto al pensulo. Ĝi estas samtempe sorto kaj merito, ĉar la evoluo donis al li liberecon kaj necesecon, ke li — dum pluraj jardekoj dezirinta, verkinta kaj predikinta pri maniero, kiel oni devus en certa parto de Eŭropo agi ŝtatsaĝe — mem tiel agu; li faris tion kaj li venkis.

Sed li ne faris tion kiel diktatoro, kaj en tio kuŝas

lia forto, kiu povas utili kiel modelo. Mi vidas en Masaryk la solan ŝtateston eŭropan, kiu en tiu ĉi epoko ne difektis la demokratiajn agordojn, sed kondukis sian melodion trans ĉi tiu spaco.

Macdonald, kies portreto mi vidis sur la skribotablo de Masaryk, provas ion similan, sed li ne havas la feliĉon de la komenco, sed nur la feliĉon de la tradicio kaj ĉi tio ne estas tro favora por lia penado.


Kiam tiaj evolucianoj ekprenas la povon, ĉio okazas pli mallaŭte kaj pli malrapide, sed pro tio pli ĝenerale kaj pli daŭre ol dum supreniro de tiuj revoluciaj karakteroj, kies energio facile ŝanĝiĝas en aŭtokration, kaj kiuj eble nur tiel povas atingi siajn ŝtatajn celojn. Pater Patriae\*) povas ja esti nomata nur pensulo, ne soldato; soldato devus esti tre maljuna kaj matura, aŭ li devus esti belega escepto kiel Washington. Popola deveno donas al li portio pli da kapabloj, ol aneco al privilegiita klaso, kaj ke hodiaŭ en ĉiuj landoj de la tuta mondo, ankaŭ en la malnovaj, regas burĝoj, en multaj eĉ filoj de laboristoj, estas fakto same signifoplena, kiel la transformiĝo de la lastaj kvar monarĥioj en dek ses respublikojn.

Inter ĉiuj mi vidas Masaryk starantan sur ŝtupo morale plej alta: li estas vera popolgvidanto laŭ tipo de malnovaj amerikaj prezidantoj, kaj ne estas hazardo, ke li estimas kaj studis ilin. Kun Lincoln li havas la saman popoldevenon, bonhumoron kaj kuraĝon, fortikan, longan korpon, moderecon, homan saĝon kaj bonecon; jes, oni ankaŭ povas pri li diri, ke li helpis gvidi civitanan militon kaj ke li venkis ĝin. Sed poste la sorto gardis lin antaŭ kugloj de liaj malamikoj kaj permesis al li fariĝi reganto de tio, kion li prirevis kaj kion li poste militakiris. Ni rajtas lin kompari ankaŭ kun Marcus Aurelius, kiu subigis la povon al la spirito, ĉar li estis unuavice filozofo kaj nur poste regnestro. »Agi estas facile, pensi estas malfacile, agi laŭ ripenso estas maloportune.« Ĉi tiuj vortoj el la lernatesto de Wilhelm Meister enhavas la spiritajn aventurojn de Masaryk.

El miaj germanaj samnacionoj, kiuj estis enigataj en lian ŝtaton, multaj certe estas liaj kontraŭuloj. Sed nia tasko ne estas taksi ŝtateston laŭ avantaĝoj, kiujn li havigas ĝuste al ni; alie ni germanoj devus taksi Nitti pli alte ol Mussolini, Caillaux pli alte ol Clemenceau, Casement pli alte ol Grey kaj Czernin pli alte ol Masaryk; ĉar ĉi tiuj malprofitigis la germanojn, dum tiuj volis utili al ili.

En la tempo, kiu iom post iom denove instruas kredi je la venko de l' spirito super la forto, ni havas la devon montri je viroj, kiuj estas spirite ligitaj kun la jarcento, kvankam ilia efikado restas nekompleta. Kiam mi demandis al Bernard Shaw, kiu povus fariĝi prezidanto de Unuiĝintaj Ŝtatoj Eŭropaj, li rediris: Masaryk.

Tradukis O. Sklenčka.



# LA KUDRILO

Karel Čapek

«Kun tribunaloj mi kontaktis neniam,» ekparolis sinjoro Kostelecký, «sed mi diras al vi, ke al mi plaĉas ĝuste la granda akurateco kaj la formalajoj kaj ceremonioj, kiujn la juĝistoj kutimas fari, eĉ se temas pri nura bagatelo. El tio ja rezultas certa fido al la justeco. Se la justeco havas pesilon, ĝi do estu pesilo apotekista, kaj se ĝi jam tenas glavon, estu do la glavo akra kiel razilo. Mi rememoras unu okazintaĵon el nia strato.

Iu pordistino, ŝia nomo estas Mašek, aĉetis en butikio bulkojn, kaj maĉante unu bulkon ŝi eksentas pikdoloron en la palato; ŝi do palpas en la buŝo kaj elprenas kudrilon, kiu en la palato enpikiĝis. Nur post momento ŝi ektimis: Jesu-Kristo, mi povis ja la kudrilon engluti, kaj ĝi trapikus la stomakon! Jen danĝero kontraŭ mia vivo, tio ne estas ja pardonebla! Oni devas esplori, kiu kanajlo inside enmetis la kudrilon en la bulkon. — Ŝi do iris kaj alportis la kudrilon kaj la ne tutmangitan bulkon al la polico.

La polico ekzamenis la butikiston, ekzamenis ankaŭ la bakiston, kiu bakis tiujn bulkojn, sed kompreneble ambaŭ malagnoskis la kudrilon. Poste la polico transdonis la aferon al tribunalo, ĉar ja temis, komprenu min bone, pri lezo negrava. La esplorjuĝisto, tipo de konscienca kaj ĝisosta burokrato, denove ekzamenis la butikiston kaj la bakiston; ili ambaŭ ĵure asertis, ke ĉe ili la kudrilo ne povis eniĝi en la bulkon. La esplorjuĝisto vizitis la butikiston kaj konstatis, ke en sia butikio li ne havas kudrilojn. Poste li iris al la bakisto por vidi, kiel oni bakas bulkojn; li sidis en la bakejo tutan nokton kaj rigardis, kiel oni preparas paston, kiel oni lasas ĝin ŝveligi, kiel oni hejtas la fornon kaj plektas bulkojn kaj enforigas ilin, ĝis kiam ili iĝas ore ruĝaj. Tiamaniere li konstatis, ke ĉe la bulkfardo oni efektive ne uzas kudrilojn. Vi eĉ ne kredus, kiel bela laboro estas la bakado de bulkoj, kaj precipe de pano. Mia karmemora avo posedis bakejon, mi do konas tion. Komprenu min bone, ĉe la panfardo ekzistas du aŭ tri pli grandaj kaj preskaŭ sanktaj misteroj. La unua mistero estas, kiam oni preparas la fermentaĵon; oni ĝin lasas en la knedujo, kaj tiam okazas sub la fermilo ia sekreta transsubstanciĝo: oni devas atendi, ĝis kiam el la faruno kaj akvo fariĝis vivanta fermentilo. Poste oni preparas paston kaj knedas ĝin per knedilo: tio do aspektas kiel religia danco aŭ io simila. Tiam oni kovras tion per tuko kaj lasas la paston ŝveli: tio estas la dua mistera transformiĝo, kiam la pasto majeste levigas kaj ŝvelas, kaj oni ne rajtas levi la tukon, por scivole ekrigardi — mi diras al vi, ke ĝi estas same bela kaj mirinda kiel la gravedeco. Mi ĉiam havis impreson, ke la pastujo estas io virina. Kaj la tria mistero estas la bakado mem, tio, kio el la mola kaj pala pasto fariĝas en la forno: Jesuo kaj Mario, se oni poste elprenas tian orkoloran kaj ruĝebrunan panbuŝon kaj ĝi aromas tiel, ke eĉ malgranda infano ne povas pli ĉarme odori, tio estas ega miraklo — mi opinias, ke oni devus dum la tri transformiĝoj en bakejoj sonorigi, same kiel oni sonorigas en preĝejo dum levado de hostio.

Sed kion mi volis diri? — la esplorjuĝisto do estis embarasita; sed cedi pri la afero li ne volis. Li prenis la kudrilon kaj sendis ĝin al la Ĥemia instituto, por ke oni konstatu, ĉu la kudrilo estis en la bulko jam antaŭ la bakado, aŭ ĉu nur poste; sciu, ke tiu

juĝisto speciale ŝatis sciencajn ekspertizojn. Tiutempe estis en la Ĥemia instituto iu profesoro, nomata Uher, tre klera sinjoro kun longa barbo. Riceinte la kudrilon li komence terure insultis la tribunalojn pro ilia tropostulemo, ĉar antaŭ nelonge oni ankaŭ sendis al li intestaron tiel putran, ke eĉ la antaŭsekcisto ne povis elteni la fiodoron; kaj kiam do komunecon havas la Ĥemia instituto kun ia kudrilaĉo? Sed poste li iom pripensis la aferon, kaj ĝi ekinteresis lin, komprenu min bone, laŭ scienca vidopunkto. Nu, li diris al si, eble do fakte kudrilo trapasas iajn ŝanĝojn, se ĝi eniĝas en paston aŭ se en pasto oni ĝin bakas: dum la fermentado estiĝas iaj acidoj aŭ io simila, kaj dum la bakado refoje, kaj la supraĵon de la kudrilo tio povas iomete difekti, alivorte korodi: tion oni povus konstati mikroskope. Sekvi li sin ekokupis pri tio.

Antaŭ ĉio li aĉetis kelkcenton da kudriloj, ne sole da tute puraj, sed ankaŭ da pli aŭ malpli rustaj, kaj li komencis en la Ĥemia instituto baki bulkojn. Ĉe la unua eksperimento li metis la kudrilojn tuj en fermentilon, por konvinkiĝi, kiel ilin influas la fermenta procedo. Ĉe la dua provo li metis ilin en freŝe preparitan paston. Ĉe la tria en paston ŝvelantan. Ĉe la kvara en tute ŝvelantan. Poste li enigis ilin ĝuste antaŭ la bakado. Poste dum la bakiĝo. Plue li enpikis ilin en bulkojn ankoraŭ varmajn; kaj fine en bulkojn jam pretajn. Tiam la tutan serion da eksperimentoj li ankoraŭfoje ripetis, por fari kontrolojn. Resume: dum du semajnoj oni faris en la Ĥemia instituto nenion alian ol baki kudrilhavajn bulkojn: la profesoro, docento, kvar asistantoj kaj servisto ĉiutage preparis paston, bakis kaj pretigis bulkojn, kaj poste ili mikroskope esploris kaj komparis la rilatajn kudrilojn. Tiu laboro daŭris ankoraŭ pluan semajnon: sed lastfine oni precize konstatis, ke la koncerna kudrilo estis enpikita en bulkon jam finbakitan, ĉar sub la mikroskopo ĝi detale egalas al eksperimentaj kudriloj enmetitaj en pretajn bulkojn.

Laŭ tiu ĉi ekspertizo konkludis la esplorjuĝisto, ke la kudrilo estis enigita en la bulkon aŭ ĉe la butikisto, aŭ survoje inter la bakejo kaj la butikio. Subite la bakisto rememoris, mil diabloj, ĝuste tiutage mi maldungis ja bubon-helpanton, kiu kolportadis bulkojn en korbo! Oni do venigis la bubon, kaj li konfesis, ke la kudrilon li metis en la bulkon, por sin venĝi al la estro. La bubo, ne estante plenaĝa, ricevis nur admonon, sed la majstron oni kondamnis je kondiĉa puno de kvindek kronoj, ĉar li devas garantii pri sia dungitaro. Jen vi do vidas ekzemplon, kiel akurata kaj radikala estas la justeco.

Sed la afero havis ankoraŭ unu rezulton. Strange: en ni viroj enestas ia kurioza ambicio aŭ obstineco aŭ kio — unuvorte, kiam oni en la Ĥemia instituto jam ekbakis la eksperimentajn bulkojn, la Ĥemiistoj decidis baki ilin bonaj. Komence ili estis ne tro taŭgaj, nesufiĉe ŝvelintaj kaj iom fuŝaspektaj; sed kedu: ju pli longe oni bakis, des pli bonaj ili estis. Poste oni jam surŝutis ilin per papavaĵo, salo kaj kumino — kaj kiel bele oni ilin plektis! — nu, vera plezuro! Fine tiuj scienculoj fanfaronis, ke tiel eminentajn, rompekrakajn kaj perfektajn bulkojn kiel en la Ĥemia instituto oni bakas nenie en la tuta Praha.

El la ĉeĥa: Miloš Lukáš



## Du poemoj per prozo

— Emanuel Lešekrad —

### Dimanĉo de la koro

Mi staras ĉe malfermita fenestro. La strato  
searmas de homoj kaj veturiloj trairantaj; la koloroj  
de la tegmentoj domaj brilas diverskoloro en kristala  
aero, kaj en tera etaĝo momente eksonas raŭka mono-  
logo de gramofono.

Estas somera antaŭtagmezo dimanĉa.

Baldakeno de la ĉielo flamas en koloro de hela  
violo.

La turoj katedralaj kreskas al la nuboj.

Mi sopiras aflikte en la straton.

Post la pendantaj jaluzioj de kontraŭa fenestro  
brilas du knabinetoj.

Ili legas el granda libro.

Ili havas blankan veston, orajn harojn kaj blu-  
ajn okulojn.

El proksima ĝardeno fontas mielaodoro de flor-  
antaj olivoj.

Mi estas feliĉega kvazaŭ mi estus nur dekdujara.  
Kaj mi havis blankan veston, orajn harojn kaj  
bluajn okulojn.

### La sonĝo de mondcivitano

Kion vi farus, se vi estus milionulo? demandis  
min foje amiko.

Mi aĉetus jakton kaj mi veturus en la maron: Mi  
laprenus ĉambretojn kun rigardo al la maro en Ams-  
terdam, en Leningrad, en Lisboa, en Napoli, en Is-  
tambul, en Alexandria, en Capetown, en New York, en  
Rio de Janeiro, en Adalaide, en Bombay, en Nagasaki,  
en Hong-Kong. La arango de la ĉambretoj estus tute  
simpla: tablo, seĝo, lito, apogseĝo, pianolo, bretaro kun  
kelkaj libroj de poetoj al mi plej karaj. Se mi alvet-  
urus al iu el la diritaj havenoj, mi forirus en mian  
loĝejon kaj restus tie kiom longe al mi plaĉus. En iu  
mi gastiĝus eb'e sole unufoje dum mia vivo. Mi estus  
tiel en la vera senco de la vorto mondcivitano.

El la libro: Ponto super la mondo.

El la ĉeĥa: Geo

## Sonetoj al Helena

— Bartoš Vlček —

### I.

Ne estis ja perfid', ke vin mi iris for,  
kaj mia silentad' ne estis fin' de l' am',  
vi bone scias ĝin. Sed kiam venis hor',  
en kiu svenis jam de nia amo flam'

kaj esti nur kutim' minacis nia sent',  
rompiĝi devis ja la aranea ret'  
pro kiu nia kor inklinis al la tent'  
nur dormi en ripoz' post la komenca vet'.

Suferas ambaŭ ni nun dolĉe en solec'  
kaj ĉiu duba sent' en ĝi reiĝas klara,  
unuam amon ja revekos la sopir'.

Revenos tiam mi kun plena libereco  
en mia freŝa kor'. Sur via brusto kara  
ripozos mia kap' sen iu plua dir'.

### II.

Travivas jarojn mi en multa hor'  
kaj vidas nur la ornuancan gemon  
de via korp'. Ne sola estas mia kor':  
ĵus via bus' sur mia vekis tremon,

kaj via zon' ĵus ondis sen riproĉ'  
sub mia manolud' kaj kiel kordo  
de violon' ĵus kantis via voĉ'  
kaj via brust' al mia en konkordo

sin premas. Trinkas plena de avid'  
mi fonton de forges' kaj rava sorĉo,  
en kiu sidas ja eĉ svena tim'.

Sur vaga voj' de l' amsopir' sen brid'  
perdita jam, mi scias, ke por dolĉo  
de via korp' ne estas iu lim'.

El la ĉeĥa: Rud. Hromada



Jan Stursa:

La donacoj de la ĉielo kaj tero

# La tridektri savitoj

— Jarmila Hašková —

Profesoro Karlik ricevis la poŝtajojn. Li malfermis leteron laŭ aspekto tute decan, sed kun enhavo tre riproĉinda. »Vi, besto,« skribis al li la sekreta adoranto, »se vi kuraĝos rajdi sur Elektra tiel, kiel vi kutimas, anoncu vin ĝustatempe en la Kremacia S-ojeto, por ke vi ne kaŭzu al via vidvino elspezojn.«

»Ha,« diris al si profesoro Karlik kaj liaj okuloj ekludis. »kiu do el tiuj tridektri tio estas?« Poste li ekmemois, ke la verbon — kontraŭe al gramatika regulo de li instruata — li metis sur la finon de la frazo kaj li rapide sin korektis: »Kiu do estas el tiuj tridektri?«

Li etendis la manon en poŝon por la notlibro kaj elskribis ĉi tiujn nomojn:

Kadraba, Mokřý, Tuček, Hořina, Mander, Kašák, Mašek, Král, Petřík, Chudoba, Kaucký, Pekuláš, Mikeš, Havlíček, Náhlavský, Rokytník, Černý, Čermák, Sýkora, Pavlík, Kokeš, Waraus, Malý, Pešák, Kratochvíl, Novotný, Novák, Nováček, Netolický, Lukáš, Franc, Adamíček, Kolařík.

Estis nomoj de tiuj, al kiuj li intencis doni plej malbonan klasifikon. Li kalkulis la nomojn kaj vidis, ke ili estas ĝuste tridektri.

»Ne domaĝas,« diris al si profesoro Karlik, »unu el ili estas li kaj mi lin trovos kaj punos.«

»Kolařík,« diris profesoro Karlik, »diru al mi, kion enhavas la *Eksodos* de Elektra.«

»*Eksodos*,« respondis Kolařík lerte kaj certe, »enhavas katastrofon, la efektivigon de la venĝo sur Klytaimnestra kaj sur Aigisthos.«

»Li ne estas tiu,« diris al si profesoro Karlik, manmovis, ke Kolařík sidigu, donis al li noton plej bonan kaj vokis lian najbaron Sýkora. Li rigardis lin kiel polica hundo kaj demandis ruze:

»Kion enhavas la prologo kaj la unua *epeisodion*?«

»La prologo,« respondis Sýkora be'e sonore, kiel tion ŝatis profesoro Karlik, »enhavas ampleksan kaj malrapide progresantan eksponon, kiu parte daŭras ankaŭ en la unua *epeisodion*.«

»Bone,« diris profesoro Karlik kaj skribis en la notlibron apud la nomo de Sýkora, ke Sýkora tion sciis tre bone.

»Ni plue serĉu,« li diris al si en spirito, »la cirklo mallargiĝas, el la suspektaj restas tridekunu. Čermák, diru al ni, kiel estis dividitaj la ro'oj en nia traged'io.«

»La roloj,« respondis Čermák fluege, »estis dividitaj inter tri aktorojn: *protagonis'es* ludis Elektran, *deuteragonistes* Oreston kaj Klytaimnestron kaj la ceterajn rolojn ludis *tritagonis'es*.«

»Sufiĉe,« ridetis pro'e oro Karlik. Mašek sciigos al ni, kiel estis konsistigita la horo.

Li jetis sur Mašek rigardon, kiu penetris en la centron de la terglobo, sed Mašek ne evitis liajn okulojn.

»La horo,« sputis el si Mašek, »konsistas el dek kvin sinjorinoj *mykenaj*, amikinoj de Elektra, ankoraŭ ne edziĝinta. La lokoj de la agado estas...

Pri tio mi ne demandas vin, interrompis lin profesoro Karlik. Li skribis al li la unuan klasifikon kaj demandis Novotný, kiel estas karakteriza Aigisthos.

Novotný, kiu neniam sopiris distingon, respondis kun admirinda certeco.

Vokis do profesoro Karlik studenton Mikeš, klakis

per la manoj, por voki la atenton de ĉiuj sur sian aperaĵon, kaj prononis kun voĉo de esplorjuĝisto: »Kion vi diros al ni, Mikeš, pri la kvara *epeisodion*?«

»Mi diros al vi,« ekparolis Mikeš tute familiare, »ke en la kvara *epeisodion* la agado turniĝas por avantaĝo de Elektra. Tio okazas per ŝia konatiĝo kun Orestes. Komenciĝas peripetio.«

»Kaj en la dua, kio okazas en la dua?« daŭrigis profesoro Karlik, signante, ke Mikeš sidigu kaj montrante per la mano sur Netolický.

»En la dua la agado kulminas, komenciĝas krizo.«

»Per kio?«

Tiu »per kio« estis destinita jam por Kaucký.

»Pro la sciigo pri la ŝajna morto de Orestes, Elektra estas pelata al decida ago. Ŝi volas efektivigi la venĝon mem,« rapide parolis Kaucký.

Kvin minutojn antaŭ la fino de la leciono estis vokita Havlíček, la lasta el la tridektri.

»Ha,« pripensis profesoro Karlik, »nun vi ne eskapos de mi,« li diris ĝoje, frotante al si la manojn:

»Havlíček, respondu al mi skribe kaj tuĵ ĉi tiun demandon: Per kio rememorigas Elektra pri Antigone?«

Havlíček sidigis por skribi respondon kaj profesoro Karlik malrapide proksimiĝis. Lia rigardo ensorbis sin en la vizaĝon de Havlíček, kiu restis glacie trankvila.

»Mi montros al vi krematorion,« flustris al si profesoro Karlik.

Havlíček skribis.

»Elektra memorigas pri Antigone per sia heroeco, sento por rajto kaj justeco, delikata amo al patro kaj frato kaj per sia pasieco.«

Li sekigis la papereton kaj donis ĝin al la profesoro.

Tridektri paroj da malicaj okuloj rigardis profesoron Karlik.

Profesoro Karlik iris al la fenestro, turnis al la klaso la dorson, elprenis el la poŝo la minacan leteron kaj komparis la skribon.

»Ankaŭ li ne estas tiu,« li konstatis surprizite.

\*

## La leterkesto

— Jirí Wolker —

*La leterkesto ĉe angul' de la strato  
ne estas ia simpla aĵo nur.*

*Ĝi floras blue,  
homoj ĝin traktas kun estimo kaj ŝato  
kaj eĉ kun konfidenc',  
de ambaŭ flankoj leterojn enmetas,  
jen kun ĉagrena, kaj t'e kun ĝoja senc'.*

*La leteroj kiel poleno brilas blanke  
kaj atendas vagonarojn, ŝipojn kaj homon,  
por ke li kiel burdo kaj vent' dissemu ilin ĉiuflanke.*

*— k'e estas la koroj,  
stigmatoj ruĝaj,  
kaŝitaj en roza ĉirkaŭflor'.*

*Se leter' alflugas al la kor',  
kreskiĝas ĝi fruktojn  
dolĉajn aŭ amarajn.*

El la ĉeĥa: Miloš Lukáš.

»Moŝta fraŭlino,«

skribis Tuĉek dum paŭzo, kiam profesoro Karlík forlasis la klason kun sia notlibro, plena de plej bonaj klasifikoj kaj kun sopiro, ke li povu uzi la Romanleĝaron, kiu punis per morto ĉiujn sklavojn de la mortigito, kiujn atingis la voĉo de la estro.

»Moŝta fraŭlino, tridektri savitoj kisas vian maneton. Sinjoro via kuratoro vokis nin pri Elektra ĉiujn unu post la alia kaj ĉiuj estis plej bone klasifikitaj.

Moŝta fraŭlino, ni ĉiuj portas sur la koro vian koloron kaj en la koro vian bildon.«

»Kaj tamen«, diris al si profesoro Karlík, rigardante post la plej proksima skriba tasko la kajerojn de la studentoj kaj komparante zorge la skribon de la minaca letero kun la skribo de la tridektri savitoj, »kaj tamen mi volus juri, ke ĉi tiun skribon mi jam vidis iam.

El la ĉefa *Otto Ginz.*

## Interparolo sub arbo

— M. Jensenová —

Ili kunvenis iun solenan vesperon sub la branĉoj de duonsekiĝinta abio, rememoriganta per malforteta rezinaodoro la freŝajn deklivojn de la kamparo. Sur la branĉoj pendis vitraj aĵetoj, multkoloraj paperondetoj kun restaĵoj de ĉokolado kaj malgajaj vaksaj larmoj.

»Kiel kortuŝa tio estis, la svarmo de la infanoj ĉirkaŭ la lumigita arbeto!« ĝemetis libro, kiu kuŝis en ombro post arba submetaĵo dezirinta dum la solena momento ekludi per ploraj ladaĵdentoj »Dia nokt', sankta nokt',« sed kies rusta risorto antaŭ mezo de la kanto rompiĝis. »Kia ĝojo, kia feliĉo!«

»Mi miras pri vi,« anoncis sin dika, rozkolora infaneto, kun vizaĝo kudrita el ŝtofo kaj kun blondaj haroj el brile ondigita stupo. »Estante de Kipling vi havas tiajn antaŭdiluvajn ideojn! Infanoj estas vipoj de la hejmo, memoru, mia kara. Ekmemoru sole tiun etan infanaĉon, ŝmiritan ĉie de salivo — kaj ĝi kuraĝis min kisi! Al tia infano oni donas min — ekspoziciaĵon!«

»Komprenu, fraŭlino,« tremigis rozkolora aŭto sian kaleŝaĵon. »Sin hodiaŭ ankoraŭ neniu tuŝis, ŝi havas ja ankoraŭ sian originalan kovrilon sur si. De tie devenas tiu ĝemado de maljuna virgulino. Jes, kara sinjorino Kipling, ĝi moke elsputis, »por vi, libroj, estas nun malbona tempo apud nia allogemo!«

»Allogemo!« eksusuris senzorge parfumo en facetita boteleto. »Tia ligna plebo kuraĝas ĉi tie ĝeni la kvieton, de mi transpiritan. Kaj entute — mi ne scias, kiamaniere ni aperis en ĉi tiu familio, ĉu ne, kara amikino?«

»Vere, vere,« plenblovis pluma pudri'lo sian molan koleton ŝuper la opalo de pudra spiro. »Sinjorina, moŝto ne surhavis eĉ vesperan tualeton kaj la sinjoro estis ja en pantofloj. Eĉ la hejman amikon mi vane atendis. Ŝajnas, ke ĉi tie estos malmulta okazo por flirto!«

Maldika eklumo de luno traŝovis sin tra la kurteno kaj pendiĝis sur brilan stelon inter la verdaĵo konifera. La flatita arbo tremigis siajn vitrajn juvelojn kaj ekbalancis la oritajn sonoriletojn sur la ĉenfinoj: »Mi aŭdis rakontojn pri la homoj, sed ili havas maldelikatajn manojn kaj ili turmentas min per akraj dratoj. La kisoj de la luno, mola neĝo kaj karesado de la suno estis pli flataj ol aliaj malmolaj brilaĵoj, kiujn ili ĉirkaŭpendigis volante gajni mian favoron.«

»Vi estas ĝuulo, kara sinjoro,« ekgrimacis denove la ŝtofa infaneto. »Mi ne estas tiel absolute kontraŭ tio, sed vestaĵon mi ĉiutempe pli ŝatis. Min ja incitas tiu malĝentileco — mi mendis por mi koloron de hela rozo, tiu pli bone taŭgas al mia vizaĝkoloro, kaj dume tiuj knabinoj sen gusto liveris al mi tian flavan ĉifonon!« Kaj ŝi disĵetis kolere ĉirkaŭ si la malpezan silkon de la ĵupetoj.

»Ho, vestaĵo!« ekplendis malgaje simpla leda

pupo kun lada kapo, senmove kuŝanta sur skatolo kun cigaroj. La mondo malboniĝis. Mia dio, mia dio, tiel terure malboniĝis! Se eĉ mia alloga nudo eĉ neniu efikas...«

Sub vitra kloŝo balancis horloĝo sian noblan oran pendolon: »Jen — viaj plendoj kaj viaj disputoj — ĉu ili ne egalas disputojn homajn? Kio estas via tuta senvalora vivo vi pupoj de la homoj kaj pupoj de la socio? Ĉi tie apude post la muro vivas miraklo — infano dormas tie kaj ĝi estas trankvila kaj ĝi sonĝas pri dia amo kaj pri via perfekteco. Kio estas via vegetado kompare kun la infana sonĝo? Kien vi pelas vin kun viaj zorgoj apud ĝia simpleco? Sole mi rajtas mezuri ĝian profundon kaj interrompi ĝian silkan fadenon! Pupoj de la homoj kaj pupoj de la socio — kio vi estas kompare kun sonĝo de infano?«

La luna radio surglitis sur oran pendoleton, kiu per malpezaj frapoj kalkulis la tempon.

Kaj estis silento sub la sekiĝanta arbo

El la ĉefa: *M. Ginzová.*



Otto Gutfreund:

Komercio





# OBSERVO

## MALLONGA KARAKTERIZO DE KELKAJ AUTOROJ REPREZENTITAJ.

Jaroslav Vrchlický estas plej granda novtempa poeto ĉeĥa, kies riĉega liriko kaj epiko ampleksas la mondon de antiko ĝis tempo moderna, li signifas la kulminon de romantika poezio ĉeĥa kaj li estas la pioniro de kosmopolitismo inter ĉeĥoj — kontraŭe Jan Svatopluk Machar estas reprezentanto de kuraĝa, konkera realismo, kies forto estas pli pensa ol arta — K. Toman ekŝatis kantan, mallargan noton, monotonan, sed sentojn tuŝantan — Emanuel Lešehrad komencis per intima kaj simbolista liriko, el kiu li alvenis en ĝojan prikantadon de la belo de Universo kaj de la dia misio homa — Jan Vrbha kulturas en sia verko precipe la pejzaĝopentradon kaj la animon de Hodujo — Karel Capek kombinas aventuro la ĉiutagecon de la vivo kun romantismo de sortaj intervenoj, kiujn li lasas solvi de filozofio de sperta racio — bona rakontanto estas Zdeněk Rón — Jarmila Hašková estas verkistino de familia humoro — Štěpán Krčmář estas delikata lirikisto.

### FRANTISEK PODEŠVA,

la aŭtoro de nia kovrilo estas frapanta apero inter la modernaj artistoj, kiu ne maljuniĝis sur la unua stadio de sia evoluo, kiu sciis komplete liberiĝi de la regionismo same, kiel tion faris antaŭ li kaj apud li Filla, Kubín, Šíma kaj Zamazal, devenantaj same kiel li el Moravio. Li sciis komplete rompi la feran ringon de la tradicio kaj ne timis enspiri la freŝan eŭropan aeron.


Lia ekspozicio, okazinta en la nuna aŭtuno en Praha, montras provizore la finan staton de lia interesa evoluo. La greka mitologio kaptis pense la pentriston Podešva, li vidas ĝin en feliĉa kamparo kaj li montras ĝin al ni per koloroj kaj en kompono laŭ maniero de la nuntempaj artistoj francaj. Figuroj kun mildaj gestoj fariĝis entute parto de la moderna figura pentroarto. Estis geamantoj, banantaj knabinoj, estis lavistinoj, ĝardenistinoj. Ilia devenon oni povas dedukti de la Tahitaninoj de Gauguin, kiuj fariĝis iom post iom personoj sen hejmo kaj sen certa aparteno nacia aŭ rasa. Ke ilin Podešva metis en la antikvan Grekion; estas akraspirita trovo kaj inventa ago. Ni konvinkiĝas, ke ili trairis jam la antaŭajn etapojn evoluajn de Podešva, sed nur nun ili estas logike veraj kaj realaj en sia primitivismo kaj vivaj en sia multkoloro. Ĉi tie ili venis en la veran patrujon sub la profundan bluan de la ĉielo, al la blua maro, en la lumantan flavon kaj brunon de la suda lando. Ofte ni staras embarasitaj antaŭ la nedifineblo de tiuj estaĵoj, ili estu de Derain aŭ de Picasso: ĉi tie ni ilin plene komprenas. Ĉi tie ili estas en sia vera hejmo, hejme en la mitologie reala suda patrujo.

### F. L.: SKIZO PRI ĈEĤA ARTO.

La ĉeĥa plastika arto, en sia moderna formo, datas de la komenco de la XIX-a jarcento. Ĝian revivigon en tiu epoko helpis grave la fondo, en la jaro 1800, de la Akademio de Plastikaj Artoj en Praha, kiu enkondukis la klasikismon en Bohemion. En la unuaj jardekoj de la jarcento, nek la arkitekturo ĉeĥa, nek la skulptarto apartiĝas de la stilo empira, en formo adaptita de Germanujo. La romantikismo de la epoko de nacia vekigo (kiu en la politika sfero finiĝis per la revolucioj de la jaro 1848) estis la instigo, ke la ĉeĥa animo ekdeziris manifesti sin ankaŭ per arto plastika. Filo de tiu romantika

epoko Josef Mánes (1820—1871) entuziasmis per grandaj monumentoj de la pasinteco, per studado de kamparano ĉeĥa, moravia kaj slovaka, en kiu li vidis gardanton de la tradicioj antaŭulaj, gardanton plej fidelan de la rasa trezoro. Josef Mánes havis videblan tendencon al stilizado dekoracia. Tio, kion oni hodiaŭ nomas »pura pentrado«, brilas eksterordinare kaj vive ĉe Josef Navrátil (1798—1865).

Dum la alveno de la pentrista realismo, kiu sin anoncas ĉirkaŭ la jaro 1860, komencas montriĝi memvola kaj daŭra celado por proksimiĝo al la franca arto. La historia pentrado estis kulturata de Jaroslav Čermák (1830—1878) kaj de Václav Brožík (1851—1901), la pejzaĝo de Antonín Chittussi (1847—1891). Ĉiuj tri loĝantaj en Parizo. Kio koncernas talenton pentristan puran kaj simplan, neniu tiam superis la tro frue malaperintan Karel Purkyně (1834—1868). Kontraŭe en tiu direkto verkon finlaboritan postlasis Josef V. Myslbek (1848—1922), kiu sukcesis ekkompreni funde la principojn de la franca realismo laŭ propra maniero kaj laŭ ili krei formon grandiozan, kiu havigis al li la titolon de la fondinto de la moderna skulptista arto ĉeĥa. La patriota noto resonas pli forte kaj pli konvinke ol ĉe iu alia artisto en la verkoj de Mikoláš Aleš (1852—1913) kiu bildigis kun multe da emocio kaj delikateco okazintaĵojn el la pasinteco same kiel scenojn kamparajn. En tiu epoko la arto servis konscie al naciaj politikaj aspiroj. La sekvanta generacio, kiu komencis sian aktivecon ĉe la fino de la jarcento kaj unuigis en asocio sub la egido de la granda nomo de Mánes, havi okazon por koncepti la arton malpli tendence kaj sin dediĉi al serĉado de pura formo. Inter arkitektoj de tiu ĉi grupo fariĝis plej eminenta Jan Kotěra (1871—1923) la fondinto de la moderna




Jan Amos Komenský-Cemenius  
(1592—1670)

la Instruisto de la Nacioj, eminenta pedagogo ĉeĥa de tutmonda signifo, parolanta en siaj verkoj ofte pri la neceso de internacia lingvo.

ĉefa arkitekturo; riĉe talentita inter pentristoj estis Jan Slaviček (1870—1910), kiu aligis al sia eksterordinara talento scianta osciligi la koloron sub radioj de la lumo, alian ne malpli valoran kapablon: sintezigi la animon de la pejzaĝoj, kiujn li pentris, Max Svabinský (1873) akiris merititan famon kiel portretisto kaj gravuristo, dum Joža Čprka (1861) preferis bildigi kamparanojn slovakajn kaj iliajn kostumojn vivkolorajn. Dušan Jurkovič (1868) entuziasmiĝis per popolaj konstruaĵoj lignaj

por solvi la problemojn de la nuntempa arkitekturo. Tre esprimita senco ornama montriĝas ĉe Alfons Mucha (1860) kiu vivadis dum longaj jaroj en Parizo, kaj ĉe Jakub Obrovský (1882). La verko de Jan Stursa (1880—1925) pravas instinktan skulptistan talenton kunigitan kun eksterordinara forto kaj regulitan de nobla disciplino rilate formon. Flanke de tiu ĉi generacio la komenco de la 20-a jarcento vidis formiĝi grupon artistan orientitan al kubismo eltrovita antaŭ nelonge en Francujo:



Max Svabinský:

*En paradizo*

Arkitektoj Josef Gočár (1880) kaj Pavel Janák (1882), dekoristo František Kysela (1881), skulptisto Otto Gutfreund (1889—1927) eminentiĝis per laboroj plenaj de alta stilo kaj de daŭra arta valoro. Iliaj laboroj estis de la unua komenco modeloj al vico de junaj artistoj, kiuj en la arkitekturo esprimis sin per konstruktivismo de tre sobraj linioj, en la pentrado kulturis kubismon kaj superrealismon. Estas kompreneble, ke en ŝtato sendependa la artaj rilatoj kun fremdlando estas multe pli viglaj ol en la pasinteco, ke la artistoj havas multe pli da okazo sin konatigi ekster la limoj de sia lando.

En la respubliko la moderna arto estas bone reprezentita en kolektoj de la Moderna Galerio de Praha kaj en la Galerio de Brno. Ĉeĥoslovakaj artistoj, ankaŭ en siaj novaj generacioj, irantaj en direktoj plej diversaj, dediĉas sin serioze al fundamentaj problemoj de la arto, por atingi la komunan celon: esprimi per nova maniero plastikan rilaton inter homo kaj universo.

El la ĉeĥa: *Konst. Koutek*.

#### KAREL CAPEK.

Eble la plej forta spirito aŭ almenaŭ la plej signifa verkisto de la literatura generacio ĉeĥoslovaka maturiĝinta dum la lastaj jaroj de la Mondmilito. Per la politikaj renversoj, per sociala revolucio, per la disvolvo de tekniko kaj organizo li lasis sin ne sole intelektu instrui, sed ankaŭ sense kaj morale kapti. Ĉar li kun sia generacio pasie aliĝis al la problemoj de civitana realeco, kiujn li solvas ĉiam sole relative kaj praktike, li kun siaj kunuloj estas konsiderata spirito civila kaj pragmatika. En liaj verkoj, fidelaj infanoj de sia epoko, blovas revolucia humoro, aperas utopia deziro, volbiĝas pensa titanismo, sed Capek ne glorigas ĉi tiujn tendencojn, sed kritikas ilin skeptike kaj deduktas ilian neuzeblon, ja eĉ malutilon por la vivo per sprita dialektiko romana kaj drama. Al sia filozofia konvinko, kiu penetras tra ĉiuj liaj verkoj, donis Capek plejparte vivan, klaran kaj sugestan formon, kiujn li atingis post siaj junaĝaj provoj pri novklasikismo

kaj kubismo kaj en kiu oni povas konstati la influon de literaturo angla, precipe de Wells, Shaw kaj Chesterton. Lia esprimo stia alproksimiĝas efike al la interparolo de la ĉiutago, en kio li estas sekvanto de Jan Neruda kaj de aliaj realistoj. Pli forte ol iu alia el liaj samtempuloj li enportis la ĵurnalistan elementon en la romanon kaj novelon, sed la banalecon per tio kaŭzeblan li evitas per fresa, sana, vireca bonhumoro.

Dum la unuaj tempoj aperis Karel Capek antaŭ la publiko kun sia pli aĝa frato Josef. Ilia komuna laboro estas *La franca poezio de nova tempo* (1920), antologio de 52 francaj lirikistoj de Baudelaire ĝis H. Franck, la kolekto *Gardeno de Krakonoš* (1918) kaj la verko *El la brilantaj profundoj* (1916).

Memstara laboro de Karel Capek estas lia granda romano *Fabriko de Absoluto* (1922), en kiu li kaprice malkovras la danĝeron de religia Absoluto, liberigita el la materio per ĝia perfekta bruligo, en *Krakatit* (1924) li kritikas la titanismon, kiu per invento de fortega eksplodaĵo starigas la mondon antaŭ katastrofojn. La heroo-teknikisto post tento de mono, amo, politika ambicio, sociala mesianismo trovas savon en la sindono antaŭ la Dio kaj en servo al la homaro. Liaj *Rakontoj el unu poŝo* kaj *Rakontoj el alia poŝo* (ambaŭ 1929) estas parte kriminalaj okazintaĵoj renversitaj laŭ maniero de Chesterton, parte spritaj aŭ kortuŝaj historiotoj el la vivo de malgrandaj homoj. La felietona arto de Karel Capek kulminacias, kiel ĉe Jan Neruda, en la vojaĝpriskriboj. Famaj ankaŭ en eksterlando estas liaj *Leteroj italaj* (1923), *Leteroj anglaj* (1913) kaj *Ekskurso en Hispanion* (1930).

En la sceno aperas Capek en 1920 per la komedio *Rabisto*. Poste jam sekvas liaj grandaj verkoj teatraj, kiuj portis lian nomon malproksimen en la mondon, trans Germanio en Anglion, Usonon, Japanion, ankaŭ en Hungarion, Polion, Sovetunion, en nordajn landojn ktp. En *RUR (Rasion-Universal-Robotoj)*, 1920) li kritikas en kadro de utopio la maŝinan civilizon. Lia triakta revuo kun prologo kaj epilogo *El vivo de insektoj* (1921), far-



Josef Manes:

Mateno



ita kun la frato Josef, diras nihilistan verdikton super la homa penado de seksa amo, privata posedaĵo, civitana kaj milita heroeco. La afero *Makropulos* (1922) estas tragikomedio de titana sopiro je senmorteco. Ambaŭ fratoj kunlaboris ankaŭ en *Adam, la kreinto* (1927), kiu tamen ne spegulas la genion de la aŭtoroj.

Studojn filozofiajn en amuza maniero prezentitajn enhavas la *Pragmatismo aŭ filozofio de praktika vivo* (1917), sprita analizo lingva estas *Kritiko de vortoj* (1920), en pluraj verkoj: *Pri aferoj plej proksimaj*, *Skandata afero de Jan Hotousek*, *La jaro de la ĝardenisto* kaj en multaj aliaj li montras sin vera majstro de la lingvo, observanta akre la vivon, vive reaganta al la aktual-aj kaj ĉiam preta helpi la prematojn.

En Esperanta traduko aperis libroforme *RUR*, krome multnombraj rakontoj kaj noveletoj en la gazetaro.

Arne Novak

## DISKUTO

### LETERO AL S-RO BENNEMANN

koncerne lian recenzon pri la „Parnasa Gvidlibro“

Kara Samideano!

Aŭtoro toleru silente la batojn de recenzanto: mi rekonas ĉi tiun devon, se ne etikan, almenaŭ etiketan. Sed ĉi tie ne tenas pri batoj (kiujn cetere vi eĉ ne donis), sed pri diverseco de opinioj, kiujn oni certe povas pridiskuti. Kaj mi konfesas, ke mi ambicias konvinki vin, unu el la plej kleraj kaj klarvidaj kolegoj, pri la ĝusteco de kelkaj miaj opinioj. Ne, ĉar ili apartenas al ni, sed ĉar ni akiris ilin post longa pripensado kaj konsiderado kaj ni kredas, ke ili donas la solan solvon por nesolvitaj problemoj.

Unue, temas pri la ritmo. Ĉu vi ne vidas, ke ĉirilate regas anarkio? Germanoj kaj rusoj tenas sin al rigida ritma skemo, kiu evidente ne taŭgas al la lingvo, ĉar trudas al ĝi nedigesteblajn inversojn de vortordo. Latinidoj, precipe katalunoj, male, uzas tute liberan, silabnombran metrikon, kiu same ne konvenas al la lingvo, ĉar estigas karambolojn de plenakcentaj silaboj, netolereblajn pro la peza forto de la esp-a akcento. Nu, ni faris — per la ĝeneraligo de la ritmaj permesoj uzitaj de Zamenhof — tre komfortan kompromison, kiu perfekte konformigas tiel al la frazkonstruo, kiel al la sonkaraktero de la lingvo, kaj — ĝuste per ĉi tiu konformeco — mirinde faciligas la meton de elegantaj, lingve ne perfortitaj versoj. Oni devas nur akcepti ĉi tiun sistemon, por ne plendi plu pri la netaŭgeco de esp-o por la poezio. Kaj se oni jam ĝenerale akceptis ĉi tiun metrikon — kion ni esperas — ĝi estos la esp-a metriko, al kiu oni same povas kaj devas alkiutimiĝi, kiel al iu ajn nacilingva metriko. Ĉar, ĉu ne, se vi legas versojn en la itala aŭ franca lingvo, vi ne kritikis ilin laŭ germanaj metrikaj reguloj? Vi parolas pri via »germana ritmoŝento«. Nu, vi devas ĝin formeti, kiam vi legas alilingvan — ankaŭ esp-an poemon. Same faros la franca, angla, rusa; itala, kataluna, hungara, japana esp-istoj, kaj tiel iom cedinte, multe gajninte, ili renkontiĝos en la bela ora mezo.

Dum nun, la afero statas tiel, ke ĉiu uzas sian nacilingvan metrikon kaj staras fremde antaŭ la alilingva. Tiel, ke ĉiu ĝuas nur la poemojn tradukitajn el lia propra lingvo, kiujn ja multe pli perfekte li povus ĝui en la originalo.

Facileco kaj unueco — ĉi tiuj du grandaj avantaĝoj, laŭ mia opinio, valoras tiom, ke oni estu malpli severa kaj rigida, precipe, se oni, kiel ankaŭ vi, tre klare rekonas, ke la severeco kaj rigideco starigas apenaŭ trair-eblajn malhelpaĵojn antaŭ la esp-a poezio.

Cetere tiuj severo kaj rigido tute ne havas ankoraŭ tiel firmajn tradiciojn, ke oni ne povu ilin iom moligi. Grabowski en Sinjoro Tadeo uzis la liberan polan metrikon kaj Zamenhof, kvankam li klopodis sin teni al severa skemo, ofte permesis al si licencojn. Guste tiujn ĉi



Jaroslav Čermák:

*Virino el Montenegro kun infano*

ni ĝeneraĝis, farante el ili permesregulojn. Ni opiniis: se Zamenhof, kiu laboris tiel zorge kaj konsciencie, tamen uzis ilin, ili nepre devas esti kelkfoje neeviteblaj. Kaj kio estas neevitebla en lingvo, tio devenas el la naturo de la lingvo, do oni ĝin ne hontu, oni prefere faru el ĝi regulon.

Due, mi volus respondi pri la afero de l' logiko. Nu, kompreneble mi ne volis senkulpiĝi gramatikajn erarojn. Mi volis nur emfazi, ke la poeto povas kaj devas libere uzi tiun flekseblecon, kiun havas nia lingvo, ĉar ja ĝuste tiu ĉi fleksebleco ĝin taŭgigas por poezio. Kaj kontraŭ tio oni neniel povas argumenti per la ekzemplo de Zamenhof. Jen, la esprimoj de vi stampitaj grandparie ja havas analogaĵojn en la zamenhova lingvuzo. *Kvinjambo* estas pravigita per *centjaro*; *fluido* per *acido*; *apostrofa* (apostrofhava), *akcenta* (akcenthava), *manka* (mankhava) per *ĉagrena* (ĉagrenhava), *fiksa* (fikshava), *ŝtona* (ŝtonhava); *kaŝo* (kaŝiteco) per *embaraso* (embarasiteco). Pri *hoki*, mi atentigas, ke substantivradikaj verboj povas esti uzataj netransire, kiam ili signas ne laboron per la respektiva objekto, sed la funkcion de la objekto mem. Se oni diras: koro martelas (funkcias kiel martelo), ĉu oni ne povus diri: la fiŝosto hokas (funkcias kiel hoko)? *Taski*, *duopi*, *traponti* eble ŝajnas strangaj kaj dubaj en si mem, sed kun la teksto ili estas tute unusencaj kaj unuavide klaraj, ili do tute respondas al la principo »sufiĉo kaj neceso« kaj krome ne pekas kontraŭ fundamenta aŭ tradicia regulo. Kaj se vi bonvolis honoru miajn versojn per la laŭdo, ke ili »donas simplan komprenon«, tio estas sufiĉa pruvo, ke uzante la flekseblecon de esp-o, la poetoj marŝas sur tre bone irebla vojo. Kaj se vi timas, ke tiuj eraretoj kvazaŭ infektos la esperantistojn, mi devas diri, ke mi tre ĝojus, se en iliaj tekstoj oni trovis nur tiajn eraretojn.

Trie, parolante pri la neologismoj, mi tre ĝojas, ke antaŭ via klarvido mi ne devas min defendi kontraŭ la akuzo pri »infana vortfabrikemo« kaj »nekapablo precizigi ideon«. Vi ja mem konfesas, sciante tion el praktiko, ke »la klasika Esperanto estas tre malfacile uzebla por versoj«. Niaj opinioj divergas nur en tio, ke vi prefere rezignas pri la poezio, dum ni volas la lingvon por tio perfekte taŭgigi.

Nu, permesu diri, ke ĉi-rilate ni estas pli zamenhofaj

ol vi. Jen ekzemple citaĵo el la Lingvaj Respondoj: »Estas tre dezirinde, ke ni ne evitu malfacilajn tradukojn, sed kontraŭe, ke ni ilin serĉu kaj venku, ĉar nur tiamaniere nia lingvo plene ellaboriĝos. Unu el la plej ĉefaj taskoj de niaj verkistoj devas esti la ellaborado de nia lingvo.« Kaj ke Zamenhof ĉi tie ne aludis nur pri malfacilaj prozaj tekstoj, tion montras, krom liaj versaj tradukoj, ke estis li, kiu ne ĉesis kuraĝigi la dubantan Grabowski por la traduko de Sinjoro Tadeo. Kaj nu estas certa, ke li ĝoje aŭdis, ke iu kuraĝis ektraduki la Inferon de Dante.

Kaj kion signifas ja tiu *ellaborado* de la lingvo? Certe du aferojn: *plifleksebligon* kaj *pliriĉigon*.

Iom post iom — diris Zamenhof — kaj prave. Sed tiu iom ankaŭ eble li ne ĉiam signifis *iomete*. Grandaj taskoj certe postulas iom pli grandajn paŝojn ol malgrandaj. La Biblio pli, ol la Fabeloj de Andersen. Kaj Sinjoro Tadeo, Eterna Bukedo kaj Infero de Dante eĉ pli grandajn, ĉar ili ja estas en versoj. La neologismoj de mi revivigitaj aŭ enkondukitaj naskiĝis el ĉi tiuj du taskoj.

Vi diris, ke oni prefere lasu la poezion en ĝia stato, *almenaŭ nun*. Sed ĝis kiam do ni prokrastu? Kiu diros, kiam alvenis la tempo? Kaj, se esp-o, kiel vi diras, havas pli gravajn taskojn, ĝi ja certe havas aŭ havos taŭgajn homojn, kiuj ilin faros. Kion faru tiu, kiu sentas en si kapablon sole por la poezio? Ĉu li eksilentu, ĉu li ne faru la laboron, kiun li deziras kaj ankaŭ kapablas fari? Ĉu tio ne estus perdo por la lingvo? Ĉu Esperanto povas permesi al si la lukson, ke ĝi mortigu siajn poetojn, ĉar ankoraŭ ne alvenis ilia tempo?

Endangerigo! — jen la timo, kiu naskis en vi ĉi tiun Herodan postulon. Sed ĉu vere la pliriĉigo endanĝerigas Esperanton? Ĉu la literaturaj vortoj eksprese penetros en la ĉiutagan lingvon por ĝin konfuzi? Ĉu niaj komencantoj rapidos plenigi siajn leterojn per ĵusnaskitaj neologismoj por la senkomprena miro de ilia korespondanto?

Vi certe mem ridetos pri ĉi tiu supozo. Al ĉiu esp-isto plej familiaraj estas la vortoj, kiujn li lernis el sia lernolibro, el tiuj vortoj do li kunmetas sian ĉiutagan parolon, sian simplan skribon. Por uzi pli grandan, pli »altan« vortprovizon, oni bezonas jam certan forto-streĉon, kiam oni faras nur, kiam oni metas pri la stilo pli grandajn pretendojn. Interese estas ĉi-riilate rimarki, kiel malofte oni uzas en la ordinaraĵoj kaj skribo eĉ tiujn *oficialajn* vortojn, kiuj troviĝas jam trans la sfero de la simpla stilo. Kaj tamen, ĉiu bona esp-isto konas, komprenas ilin.

Do, kompreno de vorto kaj uzo de vorto estas aferoj malsamaj. Multe pli facile oni lernas vorton *kompreni* ol *uzi*. Ekzemple mi komprenas preskaŭ la tutan germanan literaturan vorttrezoron, sed la vortprovizo, kiun mi povas senkaprompe uzi, estas tre mizera. Kaj same estas pri Esperanto kaj same estos ĝis tiu tempo, kiam ĝi fariĝos por ĉiu la dua lingvo, lernita jam infane kaj uzata sencese. Sed tiam, ĉu ne, ne gravos plu, ke tiu lingvo estu tiel fabele facila.

La supre nomita cirkonstanco, laŭ mia opinio, perfekte certigas, ke la poeziaj vortoj ne invados la komunan lingvon, ili do ne tuŝos la cirklojn de la »simplistoj«. Same, kiel la francaj poeziaj vortoj neniam estas uzataj en simpla parolo aŭ en gazetartikolo. Same, kiel la arkaiĝintaj vortoj de poetoj, kiujn oni studas en la lernejoj, neniam sin trudas sur la langon de la lernanto, kiam li babilas kun siaj amikoj. La propagandistoj kaj ignoristoj do povas esti tute trankvilaj, la poezio ilin lasas tiaj. Sed eble ankaŭ la poetoj povas peti reciproke, ke tiuj ne ekskomuniku ilin.

Ĉar nuntempe oni ofte faras tiajn ekskomunikaĵojn. Eĉ pli. Oni kvazaŭ penas konvinki la esp-istojn, ke ili nepre devas esti maldiligentaj, ignoremaj, eĉ stultaj, ili devas rifuzi lerni novajn vortojn, eĉ se la aŭtoro estas tiel kompleza, ke li listigas ilin je la fino de la libro, por ŝpari al ili kaprompon kaj serĉadon. Pri la kvindek ĝis-

nunaj neologismoj de Literatura Mondo (sur proksimume 1000 libropaĝoj) estigis tuta aparta literaturo, oni parolas pri »sufoka atmosfero«. Sed oni forgesas, ke ĝi estas literatura revuo kaj donas multajn poemojn, do ĝi uzas ne nur la komunan lingvon, kiel raporta aŭ propaganda gazeto.

Tio cetere ne estas nur nuntempa maisano. En malnova recenzo (el 1914) mi legas averton kontraŭ verko, kiu enhavas la vortojn: aktiva, determini, miskompreni, aflikti, inverse, abunda, absorbi, heziti, akuzi, ekzakta, redukti, agnoski, trista, rara (ĉiuj oficialaj nun, escepte de lastaj tri). Aliflanke estas interese ke la sama severa recenzinto (Marie Hankel) skribas en la sama jaro: »Fanatismo estas la senindulga persekuto de novaj vortoj, la ĉasado, elspionado de ili. Povus ja okazi (jen hipotezo). Ĉu ia verko, anonime prezentita de nia Majstro mem, pro kelkaj novaj vortoj estus mallaŭdata, ĉar la nekonata aŭtoro uzis »neaprobatajn« vortojn. El tiu ĉi hipotezo oni povas vidi, kien kondukas fanatismo.« Ĉi tiun citon ne al vi mi adresas, sed al sinjoro Fischer, kiu eltrovis la »evoluan sen evoluigo«, parencon al la hungara »ferringo el ligno«.

Jes! la ekzemplo de Zamenhof! Mi ne volas ree per ĝi argumenti. Mi diras nur, ke estas nedireble domage por nia poezia lingvo, ke li ne povis fini; aŭ almenaŭ parte fari tiun grandan vortaron german-esperantan, kiun li planis antaŭ sia morto, intencante per ĝi vere kompletigi la lingvon, donante proponojn por multaj ĝis tiam mankantaj nuancoj. Almenaŭ tion oni konjektas el lia letero skribita al sinjorino Hankel (14. II. 1917): »Mia vortaro kompreneble ne havos oficialan karakteron, ĝi estos nur provizora helpa vortaro por tiuj, kiuj por iu ajn ideoesprimado ne povas trovi pli bonan vorton.« Tiajn singardajn vortojn la Majstro uzis kutime antaŭ granda paŝo.

Sed mi ne povas senfine longigi ĉi tiun leteron, kaj tial mi volas diri kelkajn vortojn nur pri la mal-vortoj ankoraŭ. Dum la Parizo kongreso, en gaja kafeja societo sinjoro Warnier petis sinjoron Schwartz: »Bonvolu malfermi la fenestron!« Kaj Raymond Schwartz, certe ne malbona esp-isto (kaj krome franco, al kiu estas gepatra la radiko *ferm*) bele — fermis la duonfermitan fenestron. Ĉirkaŭ dekdu atestantoj estas je dispono.

Mi aldonas, ke la silabon *mal* ne forglutis la bruo, Raymond Schwartz ĝin tute klare aŭdis. Sed ankaŭ tiu eblo de forgluto estas konsiderinda, ĉar ĉe certaj vortoj (malsupre, maldekstre), en certaj cirkonstancoj, ĝi povas alporti danĝeron.

Mi devas fini, do mi ne povas paroli nun pri tio, kial bezonas nepre riĉan vortprovizon la literatura, precipe la poezia lingvo — cetere ĉi tion mi ne devas pruvadi al vi, kiu, laŭ la atesto de viaj vortoj, scias tion same bone kiel mi. Do ties priparolon mi prokrastas ĝin alia okazo, kiam mi intencas tuŝi la demandon pri l' orientanoj, diri mian opinion pri tio, kiom niaj proponoj estas rigardeblaj kiel definitive lastaj, kaj en kia direkto bezonas ankoraŭ prilaboradon la poezia vorttrezoro.

Mia ĉefa celo nuna estis vin konvinki pri tio, ke la riĉeco de la poezia lingvo tute ne endanĝerigas Esperanton. Sukcesinte tion fari, estus tre kontenta kaj feliĉa

samideane via:

K. Kalocsay

La nunan numeron dediĉitan ekskluzive al la

## ĉeĥoslovaka numero

redaktis kaj prirespondas: S-ano Otto Ginz, Praha.

Al la januara numero ni aldonos detalan Enhavtabelon. Abonanto, kiu ne plu povas aŭ volas aboni ricevos ĝin sendinte neadresitan respondkarton.

La plej nobla rolo de Esperanto estas diskon-igi la Penson de la mal-proksima Oriento! Tre-zoroj kusas en la verkoj de orientaj filozofoj. Ek-konu la arton kaj litera-turon de Japanujo. Akiru vere tutmondan horizon-ton. Petu senpagan speci-menon al

**„OOMOTO“**

Kameoka (Kioto-hu)  
Japanujo

Jus aperis la

**TEKNIKA**

**MEDICINA VORTARO**

de D-ro Briquet



360 pagoj, tole bindita. —  
Enhavas 3.675 radikojn  
kun necesaj klarigoj en  
Esperanto kaj traduko  
en diversaj lingvoj.

Eldonita de Internacia Me-  
dicina Revuo, 255, ave-  
nue Longchamp, Uccle.  
Bruxelles (Belgujo).

Prezo: 2 Dol. Havebla ankaŭ de Litera-  
tura Mondo, Mester ucca 53., V. 7, Buda-  
pest IX., Hungarujo.

Valora, interesa

Mirindaj aventuroj

## LA SOVAĜA KAMĈATKO

la lando kun la plej granda vulkaneglo en la mondo, kun la vastegaj tundroj, kie la timata purgo en kelkaj horoj povas entombigi la ve-turantojn, la lando kie la salmoj staras dense en la riveroj kiel sardinoj en skatoloj kaj la zibelfeloj estas monunuoj, estas vigle priskribita de la sveda sciencisto Sten Bergman en la libro

## Tra sovaĝa Kamĉatko

Dum du vintroj la aŭ oro kun sia juna edzino veturis per hundoj kaj sledo inter la sovaĝaj indiĝenoj en tiu nekonata lando de neĝo, ŝtormo kaj frosto — kamĉatkanaj, lamutoj kaj korjako — loĝis en iliaj jurtoj kaj marĝis kun ili en ilia primitiva maniero. Preskaŭ superhomaj penadoj elĉerpis iliajn fortojn kaj multfoje ili riskis siajn vivojn, sed nenio povis malhelpi ilin malkovri la sekretojn de la lando.

**„TRA SOVAĜA KAMĈATKO“**  
estas eldonita en dekdu lingvoj

Mondkonataj jurnalaj kaj revuaj laŭdis ĝin ne nur pro la scienca fidindeco, sed ankaŭ pro la kuraĝo kaj sentimeco de la verkinto kaj lia edzino

276 pagoj Eleganta eksterajo

Prezo: broŝ. sved. kr. 4.50, tole. bind. sved. kr. 6.—  
(aŭ egalvaloro — Por sendkostoj aldonu 10%.)

**Eld. Soc. Esperanto**

Fako 698, STOCKHOLM 1, Svedlando

Poŝtĉeka konto: Stockholm 578

Havebla ankaŭ ĉe Literatura Mondo

**ĈU VERE?**

**EN OKCIDENTO NENIO NOVA?**

- SE — vi volas esti plej bone informata pri la progreso de la Esperanto-movado en Ameriko,
- SE — vi volas fariĝi sperta pri la plej modernaj reklam- kaj propagand-metodoj aplikataj en Ameriko, por prosperigi vian lokan movadon,
- SE — vi volas pensiigi trans la obstinajn barojn por koni la verajn morojn kaj vivon de la homecaj Amerikanoj per Amerika Esperanto-Literaturo,
- SE — vi volas ekzerci vian scion de la angla lingvo per paralelaj Esperanto-anglaj legaĵoj,

**A B O N U**

la plej vigan nacian Esperanto-gazeton

**AMERIKA ESPERANTISTO**

Jarabono 1.— usonaj dolaroj, ĉe


**ESPERANTO-ASOCIO DE NORD-AMERIKO**

Fort Lee, N. J.

U. S. A.

Petu senpagan specimenan ekzempleron





# Vi KRIMAS

Se ne sufiĉas al vi tempo tralegi la tutan verkaron de D-ro Zamenhof, almenaŭ kaptu ĝian esencon per

## ZAMENHOFA LEGOLIBRO

Plej modela legolibro por superaj kursoj, enhavantaj eltiraĵojn el Zamenhofaj tradukaĵoj kaj originalaĵoj kaj pri Z-aj verkoj

Broŝ. 13×19 cm. 144 p. Dolaroj 0.34

### Ariŝima:

**Senbedaŭre Amo Rabas**

Majstra verko de l' aŭtoro de „Deklaracio“, kiu sinmortigis kun la amatino pro ama afero

Bind. 0.68, broŝ. 0.51

**Iŝihara: Verda Karto**

Premiita romano ĉe konkuro temanta post-50-jaran vivon

Broŝ. 0.51

**I. U. : Verda Parnaso**

Originalaj poemoj kaj tradukoj el japanaj poezioj

Broŝ. 0.57

Prezoj en usonaj dolaroj afrankite

Eld. de Japana Esperanto-Instituto, Tokio

Mendeblaj ĉe LITERATURA MONDO

**Akita: Danco de Skeletoj**

(Teatraĵo) 0.30

**Nacume: Turo de Londono**

(Noveleto) 0.15

**Jamamoto: En la Nebulo**

(Radiodramo) 0.15

**Ossaka: Fabloj de Ezopo**

0.40

**Cujuki:**

**Ŝtala Biblio de Samurajismo**

0.15

**Tokieda:**

**Pri Origino de Japana Popolo**

0.07

**Granda Lernado**

**kaj Doktrino de Mezeco**


Unua libro de Konfuciismo

0.43

**Japana Ŝlosilo**

0.03

**kontraŭ vi mem! Vi ne sendis la aliĝilon al**



## Literatura Mondo por AELA

Budapest, Hungarujo, IX, Mester ucca 53, V. 7.

LITERATURA MONDO

Vol. 3 1931-32  
Dua Eldono  
1975

Eldonis;  
Koooperativo por Represo  
de Literatura Mondo

Ĉe Teikyo Universitato  
Anatomia Instituto de  
Medicina Fakultato

Kaga 2-11, Itabasi-ku,  
Tokio 173, Japanio

300 Ekz.